

玉海



040
1000:72
34880

玉海卷第一百八十七

後儀王應麟白厚甫

兵捷

檄書

上

檄軍書也晉侯使呂相絕秦檄書如於此漢以後
方有題

漢大將軍檄三秦

史記

兼荀悅
漢紀

高祖元年夏四月漢王欲叛楚蕭何諫

曰收用巴蜀還定三秦

雍章邯塞司
馬欣翟董翳

天下可圖也乃

就國拜韓信爲大將軍信曰三秦王詐其衆降諸侯

項王坑秦降卒二十餘萬人唯邯欣翳三人得脫秦人父兄怨此三人痛入骨髓大王入關秋豪無所取除秦苛法無不欲得大王王秦者今舉兵而東三秦可傳檄而定也漢王於是舉兵出陳倉荀悅紀五月與韓信俱東

漢丞相論告巴蜀 漢使論巴蜀檄

蕭何傳沛公為漢王何諫曰願養民以致賢人收用巴蜀還定三秦天下可圖也王曰善以何為丞相進韓信為大將軍說令引兵東定三秦何以丞相留收巴蜀填撫論告使給軍食 高紀元年夏四月拜韓信大將軍決策東向遂聽信策部諸將留蕭何收

蜀祖給軍糧食五月引兵出襲雍定雍地八月塞翟
降司馬相如傳元光五年夏唐蒙使路通夜郎隸
中終巴蜀吏卒千人郡又多爲發轉漕萬餘人用軍
興法誅其渠率巴蜀民大驚上聞之乃使相如責蒙
等因諭告巴蜀民非上意檄曰云云檄到亟下縣道
咸誦陛下意毋忽

漢左丞相韓信諭燕檄

韓信傳高祖三年冬十月信旣破趙斬成安君問計

於廣武君李左車曰今足下虜魏王禽夏說不旬朝破

趙二十萬衆誅成安君名聞海內威震諸侯衆庶莫

不輟作息情靡衣媮食傾耳以待命者當今之計不
如按甲休兵百里之內牛酒日至北首燕路然後發
一乘之使奉咫尺之書以使燕燕必不敢不聽從燕
而東臨齊雖有智者不能爲齊計矣是時燕王滅於
荼項羽所立
是用廣武君策發使燕燕從風而靡

漢羽檄

高祖紀十年八月上曰陳豨反吾以羽檄召天下兵
未有至者注師古曰檄以木簡爲書長尺二寸有急
加以鳥羽示速也魏武奏事云今邊有警輒露檄插
羽淮南王傳持羽檄從東方來息夫躬曰羽檄

重迹而押至 董仲舒云羽檄不行中國

張儀檄楚

尉陀移檄告橫浦陽山湟谿關

見史說

漢大將軍穎陰侯諭齊王及諸侯

本傳高后八年八月朱虛侯章告其兄齊王欲令發兵西齊王遺諸侯書曰諸呂橋制以令天下宗廟以危寡人帥兵入誅不當爲王者漢聞之相國呂產等遣大將軍灌嬰將兵擊之嬰至滎陽謀曰諸呂舉兵關中欲危劉氏而自立今我破齊還報是益呂氏資也乃留兵屯滎陽使人諭齊王及諸侯與連和以待呂氏之變而其誅之

漢太中大夫諭南越

南粵王傳文帝元年三月告諸侯四夷從代來卽位
意諭盛德上召陸賈爲太中大夫使越賜佗書曰

云

云使賈馳諭告王朕意佗遂去帝制黃屋左纛

漢中大夫諭南越

武紀建元六年八月閩越王郢攻南越遣王恢出豫
章韓安國出會稽擊之未至越人殺郢降兵還

嚴

助傳漢兵踰領會餘善殺王以降迺令中大夫助諭
意風指於南越曰天下安寧各繼世撫民禁毋敢相
并有司疑其以虎狼之心貪據百越之利或於逆順

不奉明詔則會稽豫章必有長患故遣兩將屯於
上震威武揚聲鄉屯曾未會天誘其衷闕王隕命輒
遣使者罷屯母後農時南越王遣太子嬰齊入侍
王數舉兵侵陵百越并兼鄰國陰計奇策入燔
尋陽樓船欲招會稽之地以踐勾踐之迹西南
夷傳建元六年大行王恢擊東粵東粵殺王郢以報
恢因兵威使番陽令唐蒙風曉南粵

漢中郎將論夜郎 牂柯太守論告夜郎
捷 見兵

西南夷傳建元六年唐蒙自南粵還上書曰夜郎精
兵可得十萬浮船牂柯出不意此制粵一奇也乃拜

家中郎將將千人從巴祚關入見夜郎侯多同諭以威德約爲置吏使其子爲令夜郎旁小邑聽約還報以爲犍爲郡

漢中郎將諭烏孫

張騫傳元狩四年天子數問大夏之屬騫曰烏孫王號昆莫稍強不肯復事匈奴厚賂烏孫是斷匈奴右臂其西大夏之屬皆可招來爲外臣拜騫中郎將致賜諭指曰烏孫能東居故地則漢遣公主爲夫人結爲昆弟共距匈奴不足破也

漢使諭滇王

西南夷傳莊躡楚威王時畧巴黔中至滇池會秦擊
楚道不通以其衆王滇元鼎六年春滅南粵夜郎入
朝誅且蘭印君并殺苻侯冉駝震恐請臣置吏使王
然于以粵破及誅南夷兵威風諭滇王入朝

漢使者告匈奴單于

詳見紀功類

武紀元封元年冬十月詔曰東越東甌咸伏其辜西
蠻北夷頗未輯睦朕將巡邊垂擇兵振旅躬秉武節
置十二部將軍親帥師焉行自雲陽北歷上郡西河
五原出長城北登單于臺至朔方臨北河勒兵十八
萬騎旌旗徑千餘里威震匈奴遣使者告單于曰南

越王頭已垂於漢北關矣單于能戰天子自將待邊不能亟來臣服何但亡匿幕北寒苦之地爲匈奴讐

焉

匈奴傳云使郭吉風告單于

漢使諭朝鮮

見兵捷

漢使諭宛西諸國

西域傳貳師旣斬宛王更立昧蔡爲宛王

太初四年春後

歲餘

天漢元年

宛貴人殺昧蔡立蟬封爲王遣子入侍質

於漢漢因使使賂賜鎮撫之又發使十餘輩抵宛西諸國求奇物因風諭以伐宛之威

漢長羅侯常惠責龜茲

西域傳杆彌太子賴丹昭帝以爲校尉田輪臺龜茲殺之

姑翼曰賴丹佩漢印綬迫吾國而田必爲害

宣帝時長羅侯常惠使

烏孫還便宜發諸國兵合五萬人攻龜茲責以前殺

校尉賴丹王謝曰迺我先王時爲姑翼所誤執詣惠

斬之常惠傳本始二年惠使烏孫三年封長羅侯

復遣持金幣賜烏孫惠因請龜茲國嘗殺校尉賴丹未伏誅請便道擊之與吏士五百人俱至烏孫還過

發西國兵二萬人令副使發龜茲東國二萬人烏孫

兵七千人從三面攻龜茲先遣人責其王以前殺漢

使狀

漢使喻告莎車諸國

馮奉世 見兵捷

漢後將軍告諸羌

趙克國傳神爵元年春初拜犂豪靡當兒使其弟雕
庫來告金城西部都尉曰先零欲反後數日果反都
尉留雕庫爲質克國遣歸告種豪大兵誅有罪者明
白自別毋取并滅天子告諸羌人犯法者能相捕斬
除罪斬大豪有罪者一人賜錢四十萬中豪十五萬
下豪二萬又以所捕妻子財物盡與之克國欲威信

招降昇开乃陳兵利害曰騎都尉安國前幸賜書擇
羌人可使使單諭告以大軍當至漢不誅昇以解其
謀臣遣开豪雕庫宣天子至德昇开之屬皆聞知明
詔羌前後降者萬七百餘人及受言去者凡七十輩
復奏曰校尉臨衆承威德奉厚幣拊循衆羌諭以明
詔

漢長羅侯常惠責烏孫

烏孫之傳神爵二年遣惠使送公主配元貴靡未出
塞翁歸靡死其兄子狂狂背約自立惠從塞下上書
留少主敦煌郡惠至烏孫責以負約因立元貴靡

漢渤海太守移屬縣

龔遂傳宣帝時渤海歲飢盜起以遂爲太守乘傳至
界移書勅屬縣悉罷逐捕盜賦吏諸持鉏鉤田器者
皆爲良民吏毋得間持兵者乃爲盜郡中盜皆罷

漢車騎將軍論呼韓邪單于

匈奴傳竟寧元年單于復入朝上書請罷邊備塞吏
卒郎中侯應以爲不可許天子使車騎將軍許口諭

單于曰中國四方皆有關梁障塞非獨以備塞外也
亦以防中國姦邪敬諭單于之意

漢益州敕史諭告廣漢羣盜

孫寶傳鴻嘉中廣漢羣盜起

三年十一月十一日

寶到部親入

山谷諭告羣盜非本造意渠率皆得悔過自出遣歸田里

漢中郎將責匈奴

匈奴傳建平二年烏孫庶子卑援寔翕侯人衆入匈奴西界寇盜單于聞之遣左大當戶烏夷泠將五千騎擊烏孫殺數百人略千餘人卑援寔恐遣子趨逐爲質匈奴單于受以狀聞漢遣中郎將丁野林副校尉公乘音使匈奴責單于告令還質子單于受詔

漢大司馬移邊郡擊邯鄲檄

光武紀更始至洛陽遣光武以破虜將軍行大司馬

事十月持節北渡河故趙繆王子林說光武光武不

荅林於是立王郎為天子都邯鄲降下郡國二年正

月光武以王郎新盛乃北徇薊二月信都太守任光

開門出迎世祖因發旁縣得四千人和戎卒正邳彤

亦舉郡降劉植耿純據縣邑以奉光武於是北降下

曲陽樂附者至有數萬人復北擊中山拔盧奴所過

發奔命兵移檄邊郡共擊邯鄲郡縣還復響應更始二年

二月任光傳光多作檄文曰大司馬劉公將城頭子

路力子都兵百萬眾從東方來擊諸反虜吏民得檄傳

相告語兵衆大盛。耿弇傳說光武曰：公首事南陽，破百萬之軍，今定河北，據天府之地，以義征伐，發號響應，天下可傳檄而定。

漢大司馬移漁陽檄

通監更始二年二月，王郎遣將恂、漁陽上谷急發其兵北州，疑惑多欲從之。耿況上谷太守遣寇恂、東約彭寵。

欲各發突騎二千步兵千人，請大司馬秀安樂令吳漢護軍蓋延，亦勸寵從秀，而官屬皆欲附王郎。寵不能奪漢出止外，遇一儒生，召而食之，生言大司馬

劉公所過爲郡縣所稱，邯鄲舉尊號者實非劉氏。漢

大喜卽詐爲秀書核檄漁陽使生齋以請寵令具以

所聞說之

表宏紀曰漢獨爲檄發漁陽兵

漢左大將軍武成侯移鉅鹿檄

任光傳爲信都太守更始二年春光武自薊還不知所向馳赴信都拜光左大將軍封武成侯留南陽宗廣領信都大守事使光李忠萬修將兵從邳彤將兵居前光乃多作檄文曰大司馬劉公將城頭子路力子都兵百萬衆從東方來擊諸反虜遣騎馳至鉅鹿界中吏民得檄傳相告語兵衆大盛

漢河內太守行太將軍事移告屬縣

寇恂傳光武北征燕代朱鮪聞光武北而河內孤度
鞏河攻溫檄書至恂即勒軍馳出並移告屬縣發兵
會於溫下恂曰溫郡之藩蔽失溫則郡不可守更始二年

漢大將軍發幽州十郡兵檄

耿弇傳

更始立光武爲蕭王令罷兵

二年夏四月

遣苗

曾爲幽州牧韋順上谷守蔡充漁陽守北之部時光
武居邯鄲宮弇說曰公首事南陽破百萬之衆今定
河北據天府之地以義征伐發號響應天下可傳檄
而定秋乃拜弇爲大將軍與吳漢北發幽州十郡兵
弇到上谷斬順充漢亦誅苗曾悉發幽州兵引而南

漢琅邪太守王閎喻吏人檄

張步傳更始遣閎為琅邪太守步拒之不得進閎為檄曉喻吏人降得贛榆等六縣

漢孟津將軍移檄

馮異傳更始遣李軼朱鮪等共守洛陽光武將北徇燕趙以魏郡河內城邑全乃拜寇恂河內太守異孟津將軍統二郡軍河上拒鮪等異遣李軼書云云度河擊鮪鮪走異追至洛陽環城一市而歸移檄上狀諸將入賀并勸光武即帝位

漢偏將軍移檄郡國

丁綝傳莽末守潁陽尉世祖畧地潁陽綝說其宰降
世祖以爲偏將軍從征伐綝將兵先度河移檄郡國
攻營畧地下河南陳留潁川二十一縣

漢河西五郡大將軍告武威張掖太守

竇融傳爲張掖屬國都尉懷輯羌虜甚得其歡心是
時酒泉太守梁統金城太守庫鈞張掖都尉史苞酒
泉都尉竺曾燉煌都尉辛彤並州郡英俊融皆與厚
善及更始敗融與統等議曰今天下擾亂未知所歸
河西斗絕在羌胡中不同心勦力不能自守權鈞力
齊復無以相率乃推融行河西五郡大將軍事武威

太守馬期張掖太守程仲並孤立無黨乃共移書告

喻之二人卽解印綬去

通監建武元年十二月

漢大中大夫伏隆告郡國檄

伏隆傳建武二年詣懷宮時張步兄弟各擁強兵據
有齊地十一月拜隆爲太中大夫持節青徐二州招
降郡國隆移檄告曰陛下神武奮發以少制衆故尋
邑以百萬之衆潰散於昆陽王郎以全趙之師土崩
於邯鄲大彤高胡望旗消靡鐵脰五校莫不摧破梁
王劉永造爲詐運今虎牙大將軍屯營十萬拔睢陽
劉永奔迸此諸郡所聞也不先自圖後悔何及青徐

羣盜得此惶怖。獲索賊右師郎等六校。即時皆降。張步遣使詣闕上書獻鰓魚。光武紀建武二年冬十一月。使太中大夫伏隆招張步降之。

漢前將軍高陽侯勞慰幽冀

耿純傳真定王劉楊造讖記與綿曼賊通。建武二年春遣騎都尉陳副游擊將軍鄧隆召楊。閉城門不內。乃復遣純持節行赦令於幽冀。所過並使勞慰王侯。至真定誅楊。

漢太司馬廣平侯移平原郡檄

吳漢傳

兼紀

建武四年四月己巳。上幸臨平。遣漢等擊

破五校於臨平鬲縣注屬平原五姓共逐守長據城而反

諸將爭欲攻之漢曰使鬲反者守長罪也敢輕冒進

兵者斬乃移檄告郡使收守長而使人謝城中五姓

大喜相率降

漢征南大將軍移檄 喻告蠻夷

光武紀建武五年三月遣征南大將軍岑彭率二將

軍伐田戎於津鄉大破之十二月交趾牧鄧遜率七

郡太守遣使奉貢 岑彭傳引兵還屯津鄉當荊州

要會喻告諸蠻夷降者奏封其君長初彭與交趾牧

鄧遜厚善與遜書陳國家威德又遣偏將軍屈充移

檄江南班行詔命於是遜與江夏太守侯登武陵太守
王堂長沙相韓福桂陽守張隆零陵守田翕蒼梧守
杜穆交阯守錫光等相率遣使貢獻悉封爲列侯或
遣子將兵助彭征伐於是江南之珍媻通一傳俊傳
與岑彭破秦豐因將兵徇江東揚州悉定

漢河西大將軍涼州牧論隗囂

竇融傳建武六年與隗囂書曰西州地勢局迫民兵
離散易以輔人難以自建計若失路不反聞道猶迷
不南合子陽則北入交伯耶夫負虛交而易強禦特
遠救而輕近敵未見其利也

漢中郎將輸囂

欽傳爲太中大夫建武三年欽始使隗囂五年奉
一書還復往說之遂遣子人質拜欽中郎將六年三
月山東畧定帝欲西收囂兵俱伐蜀復使欽喻旨
王遵傳爲太中大夫建武八年以書喻牛邯曰遵與
隗王軟血爲漢冀聖漢復存當挈河隴歸本朝而王
之將吏人人抵掌欲爲不善之計今吳景驍將雲集
四境而以奔離之卒拒要阨當軍衝其形勢何如哉
智者覩危思變賢者泥而不滓故夷吾束縛而相齋
懸布杖劔而歸漢

漢伏波司馬告武陵蠻夷

宋均傳爲謁者會武陵蠻反圍武陵將軍劉尚建武二十四年使均乘傳發江夏奔命三千人救之會伏波將軍援至今均監軍矯制調司馬呂种守沅陵長命种奉詔書入虜營告以恩信因勒兵隨其後蠻夷震怖共斬其帥降

漢戊巳校尉耿恭移檄烏孫

耿恭傳永平十七年冬十月置西域都護戊巳校尉乃

以恭爲戊巳校尉屯車師後王部金蒲城謁者關寵爲戊巳校尉屯前王柳婁城恭至部移檄烏孫示漢

威德大昆彌以下皆歡喜遣使獻名馬及奉宣帝時

所賜公主傅具願遣子入侍

時南匈奴已附北單于遁走袁宏漢紀曰永

平十七年十月恭
後檄烏孫大昆彌

漢中郎將阮种移度遼將軍檄

梁懂傳永初三年冬南單于與烏旦大人俱反詔懂
行度遼將軍事中郎將龐雄遼東太守耿夔共擊匈
奴奧鞬日逐王破之單于乃自將圍中郎將阮种於
美稜連戰數月攻轉急种移檄求救明年正月懂將
八千餘人馳往赴之

漢司潁校尉冀并二州刺史檄

安帝紀永初元年十一月戊子敕司隸校尉冀并二州刺史民訛言相驚弃捐舊居其各敕所部躬親曉諭若欲歸本郡在所爲封長檄不欲勿強注長檄猶今長牒也欲歸者給以爲驗

漢尚書令告江東諸將校部曲檄

尚書令或

漢益州刺史告三郡

邛都夷傳元初五年卷夷大牛種封離等畔明年昌
神益州及蜀郡夷應之衆十餘萬破二十餘縣詔刺
張喬討之喬遣從事楊棟將兵至牒輸先以詔書

告示三郡密求武士重其募賞乃進軍戰大破之斬
三萬餘級

漢遼東太守喻鮮卑 曉慰北匈奴

馮緄傳順帝時鮮卑寇邊以緄爲遼東太守曉喻降
集虜皆弭散 陳禪傳永寧二年北匈奴入遼東拜
禪遼東太守胡憚其威強退還數百里禪不加兵使
吏卒往曉慰之

漢使責南單于

南匈奴傳永和元年夏南匈奴左部吾斯車紐等背
畔率三千餘騎寇西河誘右賢王合七八千騎圍美

稷度遼將軍馬續與中郎將梁並烏丸校尉王元發
緣邊及烏丸鮮卑羌胡合二萬餘擊破之天子遣使
責單于開以恩義令相招降單于詣並謝罪

漢中郎將持節監關西兵移營郡

皇甫規傳延熹四年冬王公舉規爲中郎將討零吾
等破之先零諸種羌降者十餘萬明年東羌降涼州
復通規上疏曰四年之秋戎醜蠢爰自西州侵及
涇陽幸蒙威靈羌戎諸種大小稽首轉移書營郡以
訪誅納所省工費一億以上

漢交趾刺史移交趾

賈琮儻中平元年交趾屯兵反執刺史及合浦太守
三府舉琮爲刺史琮到部訊其狀威言賦歛重民不
聊生故聚爲盜琮移書告使安業招撫荒散蠲復徭
役誅渠帥爲大害者選良吏試諸縣百始以安

漢幽州牧告烏豆

劉虞傳中平四年烏豆峭王等步騎五萬入青冀二
州攻破清河平原明年虞到薊罷省屯兵務廣恩信
遣使告峭王等以朝恩寬弘開許善路

漢荊州刺史傳檄八郡

劉表傳初平元年爲刺史時江南宗賊盛袁術阻兵

屯魯陽蒯越曰威德旣行兵集衆附南處江陵長沙零陵桂陽南陽江陵武陵南郡章陵乃
襄陽荊州八郡可傳檄而定
使越遣人誘宗賊帥斬之襲取其衆江夏賊降江南
悉平

漢長沙太守討董卓

通監初平元年三月長沙太守孫堅率豫州諸郡兵
討董卓袁術表堅領豫州刺史

漢兖州刺史移天下討董卓

臧洪傳靈帝末

通監初平元年正月

廣陵太守張超與洪至陳

留見兄邈計事大異之致之於劉兖州公山岱孔豫

州公緒由乃設壇場盟誓共升壇操槃歃血而盟曰

三石九

漢室不幸皇綱失統賊臣董卓乘釁縱害禍加至尊
虐流百姓大懼淪喪社稷翦覆四海兗州刺史岱豫
州刺史由陳留太守邈東郡太守瑁廣陵太守超等
糾合義兵並赴國難凡我同盟齊心戮力以致臣節
隕首喪元必無二志有渝此盟俾墜其命無克遺育
先是東郡太守橋瑁詐作三公
移書州郡陳卓罪惡召兵赴難

漢城門校尉河南尹移州郡討董卓檄

朱雋傳卓入關留雋守雒陽雋與山東諸將通謀爲
內應旣而懼爲卓所襲奔荊州復引兵還雋乃東屯

中平移書州郡請師討卓

初平二年

漢太僕移公孫瓚

趙岐傳獻帝西都岐爲太僕帝使太傅馬日磾撫慰天下以岐爲副是時袁紹曹操與公孫瓚爭冀州紹謀聞岐至皆自將兵數百里奉迎岐深陳天子恩德

言罷兵安人之道又移書公孫瓚爲言利害

一本云初平四

年天子使人傅馬日磾太僕趙岐和解關東岐詣河北任袁紹營移書告瓚

漢侍中守司隸校尉持節督關中諸軍移

馬騰韓遂

魏鍾繇傳關中諸將馬騰韓遂各擁強兵相與爭繇

至長安移書爲陳禍福

漢冀州牧檄州郡

袁紹傳建安五年進軍攻許先宣檄曰

云云

漢北海相馳檄州郡

孔融傳時黃巾寇數州北海最爲賊衝董卓諷三府同舉融爲北海相融到郡收合士民起兵講武馳檄飛翰引謀州郡

漢丞相露布天下

蜀志建興五年春丞相亮出屯漢中三月詔曰漢祥中微網漏凶慝曹操竊執天衡子不盜據神器欲奮

長驅指討凶逆朱旗未舉而不復殞喪所謂不然
我薪而自焚也諸葛丞相弘毅忠壯亡身憂國授以
旄鉞統步騎二十萬衆董督元戎夔行天罰克復舊
都在此行也弃邪從正者國有常典昔輔果絕親於
知氏而蒙全宗之福微子去殷項伯歸漢皆受茅土
之慶此前世明驗也若迷沉不反將助亂人不式王
命罔有攸赦丞相其露布天下

漢呂凱檄雍闓

蜀志雍闓降吳永昌郡五官掾功曹呂凱與府丞王
伉帥厲吏民閉境拒闓闓數移檄稱說凱荅檄曰雍

侯造怨而封竇融歸志世祖皆流名後葉云云楚國
不恭齊威是責夫羌僭號晉人不長况臣於非主誰
肯歸之

魏涼州刺史西鄉侯張既告論諸羌檄

張既傳黃初中西平麴光等殺其郡守諸將欲擊之
既曰今先使羌胡鈔擊重其賞募所虜獲皆畀之外
阻其勢內離其交必不戰而定乃檄告諸羌爲光等
所

者原之能斬賊帥送首者當加封賞於是光

部黨所送光首餘安堵如故

通監載於黃初二年

魏太尉檄告公孫淵

魏志景初二年正月太尉司馬懿伐遼東六月軍至
遼東八月使其相王建柳輔請却兵懿命斬之檄告
淵云云

魏帶方太守告喻倭王檄

正始六年詔賜倭難升米黃幢付郡假授八年
太守王頌到官倭女王卑彌呼與狗奴國男王卑彌
弓呼素不和遣倭載斯烏越等詣郡說相攻擊狀遣
塞曹掾史張政等因齋詔書黃幢拜假難升米為檄
告喻之卑彌呼死立宗女壹與政等以檄告喻壹與
因詣臺獻白珠異文雜錦倭人在帶方東南大海中
依山島為國邑漢時有朝

見者景初
二年朝獻

魏鎮西將軍檄蜀

魏志明帝太和二年正月丁未露布天下并班告益
州曰亮自以爲能行兵於井底游步於牛蹄懷李熊
愚勇之智不思荆邯度德之戒元帝景元四年五月
詔征西鄧艾鎮西鍾會伐蜀十一月蜀平鍾會傳
景元三年冬以會爲鎮西將軍假節都督關中諸軍
事四年秋詔鄧艾諸葛緒各統諸軍會移檄蜀將吏
士民曰其詳擇利害自求多福投迹微子之蹤措身
陳平之軌各具宣布咸使聞知

魏鎮西軍司宣告諸軍檄

晉衛瓘傳蜀既平鍾會奏鄧艾專擅瓘夜至成都檄
艾所統諸將稱詔收艾云云俄而會發兵反瓘作檄
宣告諸軍攻會敗之咸熙二年

晉雍州刺史劉沉馳檄七郡

劉沉傳

兼記

太元二年十一月張方逼京師王師屢敗

河間王顯遣張方將兵
七萬出函谷入洛陽

詔沉發兵襲顯沉奉詔馳檄

四境合北郡之衆及守防諸軍塢壁甲士萬餘人襲
長安永興元年顯聞沉起兵召張方還

晉都督揚州九郡諸軍事傳檄州郡

魏監太安二年十二月議郎周玘前南平內史王矩
起兵江東以討石冰推前吳興太守顧祕都督揚州
傳檄州郡殺冰所置將吏於是賀循華譚葛洪甘卓
皆起兵應之

石冰寇揚州諸郡盡
沒逐會稽相張景

晉鎮東大將軍移檄天下征鎮州郡縣國
齊王景傳元康中趙王倫密與相結倫篡遂與豫州
刺史何勉龍驤將軍董艾等起軍遣使告成都河間
常山新野四王移檄天下揚州刺史郗隆承檄猶豫
未決參軍王邃斬之

永寧元
年三月

晉左衛將軍馳檄四方

傳成都王穎有無君之心永興初

元

左衛將軍

殿中中郎逸苞成輔及長沙故將上官巳等奉大駕
討穎馳檄四方赴者雲集

晉司空移檄天下

晉鎮東大將軍檄四

方討石勒

晉丞相大都督中外諸軍事

移檄

晉王傳天下檄

元帝紀懷帝蒙塵永嘉五年六月司空荀藩等移檄

天下

荀組爲司諫校尉
與藩移檄天下

推帝爲盟主愍帝卽位進承

相大都督中外諸軍事建興四年十二月西都不守
帝出師露次移檄四方召天下之兵尅日進討建武

元年三月辛卯卽晉王位改元六月己巳帝傳檄天下曰逆賊石勒肆虐河朔石虎敢帥大羊渡河縱毒今遣車騎將軍琅邪王裒等九軍銳卒三萬水陸四道徑造賊場受祖逖節度 懷帝紀永嘉六年二月癸丑鎮東大將軍琅邪王睿上尚書檄四方討石勒虞潭傳領南康太守被元帝檄使討江州刺屯華軼時荀藩移檄以琅邪王爲盟主軼不從命故討之

晉安豐太守檄周馥

傳淮南太守裴頌爲周馥所敗退保東城求救于元帝琅邪王帝遣揚威將軍甘卓建威將軍郭逸攻馥于

壽春安豐太守孫惠師衆應之使謝摛爲檄

永嘉五年

都督揚州永嘉四年上書迎天子遷都壽春碩奉東海王越密旨圖殺蓬襲之

晉平北將軍移州郡檄

通鑑永嘉六年七月劉琨移檄州郡期以十月會平

陽擊漢

晉征東大將軍都督青州諸軍事青州刺

史檄六州

荀晞傳移告諸州陳東海王越罪狀時懷帝惡越專權乃詔晞曰王彌石勒爲社稷憂故復遣詔檄六州協同大舉翦除國難晞復檄諸征鎮州郡

晉大將軍都督并州諸軍事移檄州郡

通監建興二年二月石勒送質子劉琨請討王浚以

自効琨大喜移檄州郡稱已與猗盧方議討勒勒走

伏無地求拔幽都以贖罪今便當遣六修南襲平陽

除僭偽之逆類降知死之逋羯

考異琨集檄首云三月庚午朔五日甲戌

晉鎮西將軍都督隴右諸軍事馳檄關中

張軌傳聞秦王

愍

入關乃馳檄關中遣步騎翼衛乘

輿

晉都督并冀幽三州諸軍事檄告華夷

通監建武元年三月劉琨段匹磾同盟期以翼戴晉

辛丑琨檄告華夷琨遣兼左長史右司馬溫嶠
遣左長史榮邵奉表及盟文詣建康勸進 劉琨
元帝稱制江左琨令長史溫嶠勸進於是河朔征
鎮夷夏一百八十人連名上表建武元年琨與匹磾
期討石勒匹磾推琨爲大都督唾血載書檄諸方守
俱集襄國琨匹磾進屯固安以俟衆軍 溫嶠傳琨
遷司空以爲右司馬元帝初鎮江左以爲左長史檄
告華夷奉表勸進

晉湘州刺史馳檄遠近

忠義傳易雄爲春陵令湘州譙王承距王敦謀起兵

以赴朝廷雄承符馳檄遠近列敦罪惡

永昌元年正月承起兵長

沙虞愧對承曰宜收衆固守傳檄四方其勢必分
然後圖之事可捷也 樂道融說梁州刺史甘卓襲
武昌卓乃與巴東監軍柳純等露檄率所統致討

晉郗鑒檄青州

藝文類聚庾闡爲郗鑒檄青州文

云云

鑒爲龍驤

將軍交州刺史鎮鄒山三年間衆至數萬加輔國將
軍都督交州諸軍事

晉廣州刺史平越中郎將諭温邵

陶侃傳杜弘據臨賀與温邵反劉沉俱謀反侃直至

廣州擊弘破之執劉沉於小桂討王機斬之諸將請
乘勝擊温邵侃曰吾威名已著一函紙自足耳於是
下書諭之邵懼而走追獲於始興

晉江州刺史持節都督平南將軍告四方
征鎮檄

温嶠傳咸和初鎮武昌未幾蘇峻反嶠屯尋陽遣督
護王愨期西陽太守鄧嶽鄱陽內史紀瞻等率舟師
赴難及京師傾覆嶠奉陶侃爲盟主於是列上尚書
陳峻罪狀有衆七千灑泣登舟稜告四方征鎮曰咸
和三年賊臣祖約蘇峻同惡相濟宜增軍討撲今躬率
四月

所統爲士卒先西陽太守鄧嶽尋陽太守褚謏等連
旗相繼宣城內史巨夔屯濱江之要江夏相周撫軍
已向路昔包胥重趺致誠蘭相如案劔秦庭臧洪登
壇歎血况今居台鼎據方州者哉有能斬約峻者封
五等侯賞布萬匹

嶠與侃書曰近已移檄遠近言於盟府尅後月半大舉南康建安晉

安三郡軍同赴此會

侃

郗鑒傳領徐兗州刺史

嶠同赴京師戎卒六萬

設壇塲大誓三軍曰約峻不恭天命不畏王誅凶戾
肆逆干國之紀侮弄神器拔本塞原昔戎狄泯周齊
威糾盟董卓陵漢羣后致討義存君親古今一也若
二寇不梟義無偷安 顛衆傳峻反潛圖義舉吳國

內史蔡謨檄爲本國督護賊率張健等據吳城會稽
內史王舒吳興內史虞潭並檄衆爲五郡大都護統
諸義軍

晉撫軍將軍會稽內史假節都督行揚州
刺史事移告屬郡

王舒傳蘇峻作逆吳國內史庾冰奔舒舒移告
屬郡以吳王師虞駿爲軍司御史中丞謝藻行龍驤
將軍監前鋒征討軍事率衆一萬與冰俱渡浙江前
義興太守顧衆護軍黎軍顧颺等皆起義軍應舒

晉荊州刺史都亭侯庾翼檄石虎

藝文類聚檄文曰石勒翦覆舊京窮凶極逆百姓受
灰沒之酷王室有黍離之哀石虎負恃其衆陸梁河
朔今遣使持節荊州刺史都亭侯翼高旗連雲組練
映日運孫吳之籌按尚父之畧莫不張膽咀鐵人思
自百以此衆戰猶烈火之燔秋蓬衝颺之掃落葉也

晉彭城內史劉裕移檄都下

南史元興三年二月己卯裕與何無忌等集義徒凡
二十七人推裕爲盟主軍次竹里移檄都下曰逆臣
亘元阻兵荆郢肆暴都邑雖夏后之離浞殪有漢之
遭莽卓未足爲喻云云裕等乘機奮發義不圖全輔

國將軍劉毅廣武將軍何無忌鎮北主簿孟昶兗州
主簿魏詠之寧遠將軍劉道規龍驤將軍劉藩振威
將軍檀憑之等忠烈斷金精貫白日義衆既集文武
爭先公侯諸君或世立忠正或身荷爵寵顧瞻周道
寧不弔乎上憑祖宗之靈下整塗義夫之節剪馘逋逆

蕩清京華益州刺史毛璩掃定荆楚江州刺史郭昶
之奉迎主上官于尋陽鎮北將軍王元德等保據石

梁揚武將軍諸葛長人已據歷陽征虜將軍庾曠之

結爲內應同力協契所在蠡起即日斬徐州刺史

脩青州刺史弘益州刺史毛璩元使不受其命傳檄遠近列元罪狀

萬曆丁亥年

晉太尉檄蜀

袁豹為宋高祖太尉長史高祖遣益州刺史朱齡石伐蜀豹為檄文曰夫仁與義難與求安憑阻負豐鮮克有成故成都_不世祀華陽無興國葦爾譙紕同惡相求反噬州相毒害民黎俾我西服隔閼皇澤今北狄露晞南寇埃掃朝風載戢庶績其凝清江原於濫觴澄氛稜於井絡誅叛柔遠今也其時組甲貝冑景煥波燭今三峽之隘在我境內非存岑彭荆門之險深入其阻平衢四達實無鄧艾綿竹之艱山川之形抑非曩日攻守難易居然百倍當全蜀之

強士民之富子陽不能自安於庸熨劉禪不敢竄命
於南中荆邯折謀伯約挫銳故知成敗可數非可智
延此皆益土前事當今元龜也盛如盧循強如容超
凌威南海跨制北岱樓船萬艘掩江蓋汎鐵馬千羣
克原塞隰然廣固之政陸無全雉右里之戰水靡全
舟或顯戮京畿或傳首萬里故知逆順有勢難以力
抗斯又目前殷鑒深切著明者也豈不邈誠南凱延
首東雲普天有來蘇之幸而一方懷後予之怨王者
之師以仁爲本捨逆取順爰自三驅齊斧所加縱身
而已其有矜甲反接自投軍門者一無所問如其迷

復姦邪守愚不改火燎孟諸芝艾同燭柯決金隄淵
丘同體雖欲悔之亦將何及

紀在義熙八年十一月
伐蜀九年七月平蜀

宋後將軍長沙王告司竟二州

宋書索虜傳元嘉七年三月詔曰河南湮沒可簡甲
卒五萬給右將軍到彥之繞安北將軍王仲德兖州
刺史竺靈秀舟師入河驍騎將軍段宏精騎八千直
指虎牢豫州刺史劉德武勁勇一萬以相犄角後將
軍長沙王義欣權假節率三萬監征討諸軍事先遣
殿中將軍田奇告燾河南舊是宋土今當修復義欣
出鎮彭城總統羣帥告司竟二州曰

云云高祖內夷

暴逆外平冠亂鄉賦龍堆聲震朔陵天振地
涉海於是華域肅清流澤洋溢中葉委政冢宰
乘覺司充良民重臨王化提吳楚之勁卒擢
銳士紅旗絳天素甲奪日虎步中原龍超河
從貴速歸德惡晚嘗只襄先附威加後服若能
危歸投軍門者當主不言天堊隨才叙用如其
後竄首巢穴長圍既周臨衝四至雖欲壺漿
可得乎幸加三思詳擇利害

梁移魏之北代檄

南史普通七年大舉北侵數裴子野為移魏

書喻魏相元義。類聚載喻虜檄曰：昔由余入秦，以卿佐日，殫降漢，垂于貂七葉。周興嗣為北代，

梁湘東王移檄遠近討侯景。

梁書：太清四年四月丙午，湘東王繹下令大舉討侯景。景移檄遠近。

魏侍中驃騎大將軍關西行臺傅燁。宇文泰。魏帝方圖高歡，泰傳檄方鎮曰：詔書。逆亂分命，將帥襲其窟穴，電繞蛇擊，霧合。東轅電赴伊洛，輾裂賊臣，以謝天下。

東魏西兗州刺史檄東方諸州。

武定五年正月辛亥侯景據河南叛歸于魏遣軍士二百人暮入西兗州欲襲取之刺史邢子才覺之掩捕盡獲之因散檄東方諸州各爲之備

東魏軍司杜弼檄梁

梁太清元年

東魏武定五年

十二月甲子朔東魏使杜

弼作檄移梁朝曰吳侵齊境遂爲句踐之師趙納韓

地終有長平之役侯景周章向背夫豈徒然拒此則

氣不足攻彼則勢有餘呼之則反速而豐小不召則

叛遲而禍大會應遙望廷尉不肯爲臣自據淮南亦

欲稱帝但恐楚國亡後禍延林木城門失火殃及池

魚外傾中瀆今實其勝鵠蚌相持我乘其敝

後周大司馬檄吐渾

周書武成初吐谷渾侵涼州詔大司馬賀蘭祥與宇文貴討之祥還其軍司檄吐渾曰云云

隋大將軍府傳諸郡檄

唐高祖紀大業十三年

即義寧元年

六月己卯傳檄諸郡

稱義兵開大將軍府

癸巳

張道源傳授大將軍府

戶曹參軍京師平

十二月癸未

遣撫慰山東燕趙諭羅藝

降

武德二年十月己亥藝以地歸通鑑元年

魏證傳自請安輯山東

擢秘書丞馳駟至黎陽

武德元年十一月

通鑑義寧元年

六月己卯裴寂等請尊天子為太上皇立代王為
以安隋室移檄郡縣七月癸丑帥甲士三萬發晉陽
立軍門誓衆并移檄郡縣諭以尊立代王之意西突
厥阿史那大柰帥衆以從八月癸巳至龍門薛大鼎
請直濟河據永豐倉傳檄遠近關中可坐取也武德
元年正月丁未朔唐王以書諭諸郡縣來自商洛南
蓋巴蜀郡縣長吏及盜賊渠帥及羌酋長爭遣子弟
入見請降

玉海卷第一百八十七

玉海卷第一百八十八

浚儀王應麟伯厚甫

兵捷

檄書

下

唐移檄張士貴

張士貴傳隋大業末起爲盜攻剽城邑高祖移檄招之卽降

唐山南招討大使徇巴蜀檄

通鑑義寧元年十二月癸未唐王淵使左光祿大夫

李孝恭招慰山南

紂云趙郡公李恭徇山南

自金川出巴蜀檄書

所至降附者三十餘州甲辰遣使者詹俊李袞等徇
巴蜀下之 河間王孝恭傳高祖已定京師詔拜山
南招尉大使徇巴蜀下三十餘州進擊朱粲破之繇
是騰檄所至輒下 韋仁壽傳高祖入關遣使者徇
定蜀

唐使者徇荆襄

高祖紀義寧元年二月己卯太常卿鄭元璵定樊鄧
使者馬元規徇荆襄

呂子藏傳云
慰輯山南

唐大將軍河南通道招慰使招諭關東州縣

檄

夏侯端傳李密之降關東地未有所屬端請假節招諭乃拜大將軍爲河南道招慰使傳檄州縣東薄海南接淮二十餘州遣使順附通監武德二年四月

甲辰秘書監夏侯端安撫淮左十月端至黎陽李世

勛發兵送之自澶淵濟河傳檄州縣

密以元年十月己卯降山東

平鄭善果持節爲招撫大使

唐參旗將軍諭突厥

鄭元璠傳武德二年劉武周將宋金剛與突厥處羅

可汗犄角寇汾晉詔元璠諭罷可汗兵不聽

唐金州總管府司馬撫樊鄧

李太白傳王弘烈據襄陽詔大亮安撫樊鄧因圖之

逆擊下十餘城

蘇世長與弘烈及豆盧行襲
成襄陽高祖數遣使者諭降

唐晉州道行軍總管檄郡縣

裴寂傳武德二年留撫河東飛檄郡縣促入營壘相保

唐陝東行臺討王世克檄

薛收得爲記室判陝東行臺金部郎中時方討世克收爲書檄露布或馬上占辭

唐荊州刺史招慰南方 嶺南撫慰大使

檄馮盎

李靖傳蕭銑降江漢列城爭下以功檢校荊州刺史
乃度嶺至桂州分道招慰酋領馮盎等皆以子弟來
謁南方悉定得郡凡九十六戶六十餘萬

通監武

德四年十一月靖遣使分道招撫諸州所至皆下本

云四年十一月遣安撫大使李靖徇嶺南諸州皆下之明年以靖爲嶺南撫慰

大使桂州總管七月丁酉隋漢陽太守馮盎承李靖

檄帥所部來降嶺南悉平

李襲志傳武德初以書

諭之偽桂州總管約嶺南酋李光度歸國及銑平嶺南六

十餘州皆送款襲志誘而致云

河間王孝恭傳破

銑遷荊州大總管又遷襄州道行臺左僕射嶺表未

平分遣使綏輯安慰其款附者四十九州朝廷號令

暢南海矣

岑文本說孝恭曰若縱兵剽掠恐江領以南

子厚惠誰非王人孝恭下令止侵略

漢陽郡王

環傳代孝恭為荊州都督嶺外酋豪數相攻遣使諭

威德皆如約不敢亂

唐散騎侍郎諭高麗

傳武德初建武再遣使入朝高祖下書修好後三年

七年拜上柱國遼東郡王明年新羅百濟上書言建

武閉道使不得朝且數侵入有詔散騎侍郎朱子奢

持節諭和建武謝罪乃請與二國平

朱子奢傳正

唐百濟同伐新羅傳

持節諭旨平三國之憾

唐襄州道行臺擊輔公柘檄

岑文本傳 孝恭平荊州以為別駕從擊輔公柘典檄

唐散騎常侍諭馮盎

傳馮盎武德五年降授上柱國高州總管趙國公正
舊初或告盎叛盎舉兵拒境太宗發江淮甲卒將討
之魏謩曰當懷之以德乃遣散騎常侍韋叔諧諭盎
盎遣子智戴入侍五年盎入朝

通鑑正觀元年十

月乙酉遣負外散騎侍郎李公掩持節慰諭蓋蓋遣
子入朝

唐南會州都督諭党項

元項傳漢西羌別種正觀三年都督鄭元璿鑄諭其
酋細封步賴舉部降

唐中郎將諭吐谷渾

吐谷渾傳正觀八年伏允遣使入朝未還即寇鄯州
太宗遣使者責且召伏允以疾為解為子求昏帝召
子親迎亦稱疾有詔止昏遣中郎將康處真臨諭

唐左衛郎將諭龜茲

阿史那社金傳禽歸王遣左衛郎將權祗甫狗諧
酋長示禍福降者七十餘城宜諭威信
西域傳遣
使者諭降小城七百餘邱

唐諫議大夫八論河北

魏證傳爲諫議大夫河北州縣素事隱巢者不自安
思亂證曰不示至公禍不可解太宗曰爾行安諭河
北道遇李志安李思行傳送京師即貸而後聞

唐瀚海都護八論闕泥熟別部

傳正觀中突厥鐵勒部內附即其地爲瀚海都護府
詔李素立領之於是闕泥熟別部數梗邊素立以爲

不足用兵遣使諭降。盡人感其惠。

唐岷州都督日諭党項

傳膠東郡王道彥正。相中拜岷州都督。間遣入党項
諭國威靈。聖曆初。雲罕勝二州党項誘北胡寇邊。詔
監察御史陸餘慶招慰。喻以恩信。

唐岐州都督諭吐谷渾

傳太宗以劉師立檢校岐州都督。上書請討吐谷渾。
未報。即遣使開諭。部落多降。附列其地為開橋二州。
党項酋拓拔赤辭先附。吐谷渾亦遣說下之。詔赤辭

為西戎州都督。党項傳云。岷州都督劉師立諭之。齊

唐右衛率府長史召吐蕃隣國兵檄

王元策

見兵捷破天竺段

正觀二十二年五月

唐使者諭思結部

張儉傳爲朔州刺史李靖旣平突厥有思結部窮歸于儉儉受而安輯之儉徙勝州後將奏思結叛朝廷議進討以儉爲使者撫納之儉單騎入其部召酋帥慰諭咸歸命因舉徙代州

唐遼東道行臺大摠管檄高麗

紀乾封元年十二月己酉李勣爲大摠管率六摠管兵以伐高麗元萬頃傳從李勣征高麗管書記使

萬頃草檄責高麗。

唐監察御史喻邕巖二州

李嶠傳高宗擊邕巖二州叛獠詔監其軍嶠入洞喻降之。

唐安撫大使喻鐵勒九姓

契苾何力傳龍朔初鐵勒九姓叛詔何力爲安撫大使以輕騎五百馳入其部喻曰朝家知而誑誤使我貫爾過得自新罪在凶渠取之則已九姓大喜共擒僞葉護及特勒等二百人以歸何力數其罪誅之餘衆遂安。

唐監察御史諭吐蕃

婁師德傳

上元初吐蕃盜邊劉審禮戰沒

三平九月

師德

奉使洮河因使吐蕃其首領論贊婆等自赤嶺操牛酒迎勞師德喻國威信開陳利害虜畏悅

唐廣州都督檄安南

馮元常傳安南酋領李嗣仙殺都護劉延祐劫州縣詔元常討之率士卒航海馳檄先示禍福賊黨多降

垂拱三年八月

廣桂州都督招尉討擊使諭始安賊

裴懷古傳始安賊歐陽倩衆數萬剽沒州縣以懷古

爲招尉討擊使未踰嶺趙以書諭禍福賊迎降自陳
爲吏侵而反懷古自垂壁撫諭嶺外平。武后時

唐嶺南採訪使諭崖振五州

宋慶禮傳崖振五州首領相掠民苦於兵慶禮身到
其境諭首領大誼皆釋仇相親

唐監察御史張孝嵩傳檄諸國 勒石紀

功

通監開元三年監察御史張孝嵩陳磧西利害請察其
其形勢枝汗那者古烏孫也內附歲久吐蕃大食共
立阿了達爲王發兵攻之枝汗那兵敗奔安西求救

孝嵩遂帥戎落兵萬餘人出龜茲西數千里下數百城長驅而進十一月攻阿了達于連城屠其三城俘斬千餘級阿了達逃入山谷孝嵩傳檄諸國威振西域大食康居大宛罽賓等八國皆遣使請降勒石紀功而還

唐益州大都督長史移嵩州蠻

蘇頲傳開元八年按察節度劔南諸州嵩州蠻苴院與吐蕃連謀入寇獲諜者吏請討之頲不聽移書還其諜苴院羞悔不敢侵邊

唐安西副都護兼北廷都護安西北廷節

度使諭葛邏祿

程千里 見獻功類

唐常山太守傳檄河北討安祿山

一本衛尉卿

兼御史中丞
今從通監

顏杲卿傳祿山表爲營田判官假常山太守祿山反與真定令賈深內丘令張通幽定謀圖賊使子泉明計議陰結太原尹王承業爲應使平盧節度副使賈循取幽州謀泄祿山殺循時真卿在平原約起兵討賊乃斬李欽湊械賊將高邈何千年送京師即傳檄河北言王師二十萬入土門遣郭仲邕領百騎爲光

者謂大軍至日中傳數百里賊張孫
走於是趙鉅鹿廣平河間並斬偽
而樂安博陵上谷文安信都魏郡諸
通監天寶十四載十二月顏杲卿將起兵

深崔安石崔萬德張通幽皆預謀丙午斬李

欽又禽高邈何千年千年謂杲卿宜深溝高壘俟

朔方軍至并力齊進傳檄趙魏斷燕薊要脅彼則成

禽矣今宜聲云李光弼引步騎一萬出井陘因使人

說張獻誠必解圍遁此一奇也杲卿用其策獻誠果

遁其圍練兵皆潰杲卿乃使人入饒陽城勞將士命

澤城尉崔安石等徇郡云大軍已下井陘朝夕當
至先平河北諸郡先下者賞後至者誅於是河北諸
郡響應凡十七郡皆歸朝廷兵合二十餘萬又使人
入漁陽招賈侏

唐戶部侍郎平原太守河北招討採訪使
移清河等郡討安祿山檄

顏真卿傳爲平原太守天寶十四載安祿山反河朔
盡陷獨平原城守具修使司兵參軍李平馳奏時平
原有靜塞兵三千益募兵得萬人大饗土城西門衆
感動時饒陽守盧全誠濟南守李隨清河王懷忠景

城司馬李暉鄴城守王燾各以衆歸有詔北海守賀
蘭進明爲助從父兄臬卿爲常山守斬賊將十七郡
同日自歸推真卿爲盟主兵二十萬絕燕趙詔拜戶
部侍郎佐李光弼討賊十五載三月壬午加河北招
討採訪使清河太守使李萼乞師乃檄清河等郡遣
大將李擇交平原令范冬馥等與清河博平士五千
屯堂邑

穆寧傳

調鹽山尉祿山反以劉道元爲景

城守寧募兵斬之檄州縣并力捍賊真卿以爲採訪

支使

唐揚州大都督府長史淮南節度使移將

校檄

高適傳永王叛召計事肅宗奇之除淮南節度詔與

江東韋陟淮西來瑱率師會安陸方濟師而王敗未

度淮移檄將校絕永王俾各自白君子以爲義而知

變通監至德元載永王璘領四道節度都使鎮江

陵璘募勇士數萬人子襄城工瑒有勇好兵薛鏐等

爲之謀主以爲宜據金陵保有江表如東晉故事

及丹徒郡上召高適謀之適具言璘必敗之狀十二月置

淮南節度使領廣陵等十二郡以適爲之淮西領汝

南等五郡以來瑒爲之使與江東節度韋陟共圖璘

甲辰璘擅引舟師東巡松江而下軍容甚盛分兵襲李希言於吳郡襲李成式於廣陵進至當塗希言成式遣將元景曜李承慶拒之皆降於璘江淮大震適與瑱陟會於安陸結盟誓衆以討之 二載二月戊戌璘伏誅

唐中書侍郎同中書門下平章事兼河南節度使都統淮南諸軍事告浙東浙西淮南青州濠州救睢陽檄

張鎬傳詔兼河南節度都統淮南賊圍宋州張巡告急鎬倍道進檄濠州刺史閻丘曉趣救 張巡傳肅

宗詔張鎬代賀蘭進明節度河南率浙東李希言浙西司空襲禮淮南高適青州鄧景山四節度犄角救睢陽 通監至德二載八月甲申張鎬兼河東節度采訪等使睢陽士卒纔六百人巡遠分城而守時許叔冀在譙郡尚衡在彭城賀蘭進明在臨淮皆擁兵不救城中日蹙巡令南霽雲告急臨淮進明無出師意十月尹子奇久圍睢陽城中食盡巡遠以爲睢陽江淮之保障弃之賊必長驅不如堅守鎬聞睢陽圍急倍道亟進檄浙東浙西淮南北海諸節度及譙郡太守閻丘曉使共救之比鎬至城已陷三日

十月癸丑陷

唐御史大夫江東節度使招諭江淮

詳見上

韋陟傳永王兵起肅宗委陟招諭乃授

云云

與高適

淮南節度

來瑱

淮南節度

會安州陟曰今中原未平江淮騷離

若不齊盟質信以示四方知吾等協心戮力則無以成功乃推瑱爲地王爲載書登壇曰糾合三垂剪除兇慝好惡同之毋有異志永王敗初李廣琛從亂非本謀陟表爲歷陽太守至是恐有後變乃馳往諭詔恩釋其疑

唐天下兵馬副元帥檄河南

李光弼傳乾元二年七月辛巳爲天下兵馬副元帥

以河東騎五百馳東都夜入其軍會滑汴節度許叔
真戰不利思明乘勝西嚮光弼趨東京謂留守韋陟
曰不如移軍河陽北阻澤潞勝則出敗則守遂檄河
南督軍取戰守備思明至偃師光弼悉軍趨河陽
通監乾元二年九月思明攻鄭州光弼整衆徐行至
洛陽移牒留守韋陟使帥東京官屬西入關牒河南
尹李若幽使帥吏民出城避賊光弼率軍士詣河陽
爲守備

唐都統河南節度行營論回紇

詳見兵機

郭子儀傳永泰元年懷恩誘回紇吐蕃入寇召子儀

屯涇陽子儀使諭虜曰昔回紇涉萬里助復二京今
弃舊好助叛臣一何愚彼背主弃舊於回紇何有

唐容管經畧使移義藤二州刺史

王翊傳大曆中擢容管經畧使初安祿山亂詔嶺南
兵隸魯景景敗衆潰夷獠相挺爲亂夷酋梁崇牽號
平南都統與別帥覃問合又與西原賊張戾夏永更
誘嘯遂據容州經畧使僑治藤梧翊出私財募士不
數月斬賊帥歐陽珪因至廣州請節度使李勉出兵
併力勉不許翊曰願下書州縣陽言以兵爲助冀藉
此聲成萬一功勉許諾翊乃移書義藤二州刺史約

皆進討引兵三千與賊鏖戰卒破賊禽崇牽復容州
捷書聞詔更置順州以定餘亂翊凡百餘戰禽首領
七十單問遁去 通監天曆六年二月王雄復容州
分命諸將襲西原蠻復鬱林等州三月五嶺皆平
元結傳授容管經畧使身論蠻豪綏定八州

唐太常少卿論吐蕃

韋倫傳德宗嗣位克和吐蕃使論天子威德贊並悅
乃入獻

唐安州刺史諭隋州

伊謹傳攻隋州戰厲鄉斬五千級喻降李惠登

希烈使守

隋

唐神策兵馬使曲環檄李納

劉昌裔傳建中中曲環方攻濮州表昌裔爲判官爲
環檄李納剗曉大義環上其藁德宗異之

通監建

中二年七月平盧節度李正己卒子納自領軍務與
李惟岳遣兵救田悅十月徐州刺史李洧以州降十
一月納遣將會魏博兵攻徐州洧告急詔朔方大將
唐朝臣將兵五千與宣武劉洽神策兵馬使曲環滑
州李澄救之青魏軍解圍走三年正月納軍于濮陽
爲河南軍所逼奔還濮州復陷海密三月洽攻納于

濮州克其外城納求自新李勉又遣人說之遣判官房說入見上因說等納歸鄆復與田悅合

唐建州刺史發所部兵檄

崔造傳朱泚亂造馳檄北州發所部兵二千以待命德宗嘉之

錢徽傳辟宣歙崔衍府王師討蔡檄遣采石兵會戰唐河東保寧奉誠軍行營副元帥移晉隰

慈州檄

馬燧傳帝還京

興元元年七月壬午德宗至長安

李懷光反河中詔

燧爲行營副元帥與渾瑊駱元光合兵討之時賊黨

要廷珍守晉毛朝敷守隰鄭抗守慈燧移檄備諭皆以州降 通監興元元年八月癸卯加渾滅河中絳州節度使克河中同華陝虢行營副元帥馬燧奉誠軍晉慈隰節度使克行營副元帥與鎮國駱元光鄜坊唐朝臣合兵討懷光先是燧說下二州故使兼領

唐西川節度使詔諭雲南

通監正元二年吐蕃每入寇常以雲南爲前鋒賦歛重又奪其險要地立城堡雲南苦之西川節度使韋臯至鎮招撫羣蠻雲南王異牟尋潛遣人求內附臯奏吐蕃暴亂鹽夏宜因雲南及八國生羌有歸化之

心招納之以離吐蕃之黨上乃命臯先作邊將書諭之六月壬辰臯自以書招諭令趣遣使入見四年雲南與吐蕃猜阻歸唐之志益堅五年二月丁亥臯遣異牟尋書稱回鶻屢請佐天子共滅吐蕃王不早定計一旦爲回鶻所先則王累代功名虛弃矣且雲南久爲吐蕃屈辱今不乘時雪耻後悔無及十二月壬辰復以書招諭之八年十一月辛酉臯復遣雲南王書欲與共襲吐蕃驅之雲南之外悉平吐蕃城堡築大城於境上置戍相保永同一家九年上賜異牟尋詔書十月甲子臯遣節度巡官崔佐時齎詔詣雲南

并自爲帛書荅之

臯傳云間使招掠之
臯鑿青谿道以樹羣蠻

唐劔南西川節度使檄董嘉慶

南蠻傳 雋州新安城傍有六姓蠻戎州管內有馴騁
浪三州大鬼主董嘉慶累世內附封歸義郡王正元
中狼蠻請內附補首領浪沙爲刺史然卒不出章臯
檄嘉慶兼押狼蠻

唐吏部員外郎宣慰使喻徐州

李鄴傳 張建封卒

正元十六年
五月壬子

兵亂迫子情主軍務

鄴持節直入其軍大會士喻以禍福

唐桂管觀察使御史中丞諭鄴管伐黃賊

三才卷之二十一
三百五十四
柳文裴行立奉詔與諸管誅討邕管草賊黃少卿轉
牒邕管孔大夫容府揚中丞安南李中丞曰徵側勇
冠一方竟就伏波之戮呂嘉威行五嶺終摧下瀨之
師敵國盡在於舟中還師已期於席上衆輕鬪蟻勇
劣怒蛙恃狡兔之穴馮孽狐之丘賁垂香餌令布疾
雷南州浮海濟師共集堂堂之陳東則橫江誓衆用
成善善之功

唐邛州刺史諭劉闢

崔從傳闢反欲并東川從以書諭止

唐常州刺史傳檄四州討李錡

李錡傳憲宗卽位錡不自安請覲稱疾遷延殺留後

王澹築石頭城謀據江左

通監元和二年十月

常州刺史顏防

用其客李雲謀矯詔稱招討副使殺鎮將李深傳檄

蘇杭湖睦四州同討錡湖州辛祕亦殺鎮將

紀元

和二年十月鎮海節度李錡反乙丑淮南節度使王
鏐爲諸道行營兵馬招討使以討之癸酉鎮海軍兵
馬使張子良執錡乙亥羣臣賀於紫宸殿十一月甲
申朔錡至長安上御興安門面詰之

唐司封員外郎知制誥宣諭魏博

裴度傳

兼紀

元和七年十月乙未田興獻魏博六州于

萬曆丁亥年

三傳卷百八十八

七

監生葉正甫刊

朝十一月辛酉帝遣度宣諭徧至屬州布揚天子德澤

唐荆南節度使檄羣蠻

嚴綬傳爲荆南節度。淑州蠻張伯靖殺吏據辰錦州。

連九洞自固。

紀元和六年閏月辛卯寇費播

詔綬進討。

八年五月

綬勒

兵出次遣將齋檄開曉羣蠻遂降。

八月丁未降

唐虞部員外郎諭王承宗

殷侑傳承宗叛遣侑招諭承宗聽命。

裴度傳蔡平

承宗懼遣栢耆以左拾遺往脅說乃獻德棣二州納質子。又諭滄景程權入覲。崔從傳遷尚書右丞往

使承宗集軍士宣詔陳逆順禍福之效承宗卽上二
州符印 元和十三年十月甲寅獻德林

唐起居舍人論成德軍

穆宗紀

兼栢
者傳

元和十五年十月辛巳王承元以鎮趙

深冀四州歸有司十一月遣諫議大夫鄭覃往慰成
德軍資緡錢百萬未至軍譁議穆宗遣起居舍人栢
者諭意

唐劔南西川節度使論雋州蠻檄

李夷簡傳徙帥劔南西川雋州刺史王顥積姦賊屬
蠻怒畔去夷簡遂顥占檄諭禍福蠻落復平 元和時

唐太原幽鎮宣慰使諭范陽

傳云宣諭使

溫造傳長慶初劉總上書請覲問行期乃不報造喻

意

實錄元年正月己巳造爲宣諭使

至范陽開示禍福總懼籍所部

九州入朝

元年二月己卯也

唐鎮州西回行營都招討使諭盧龍檄

朱克融傳長慶元年議者請先誅趙赦燕拜克融幽

州盧龍節度使明年陷弓高攻下博與王廷湊共圍

深州裴度以檄譙諭克融乃還

紀長慶元年八月

己丑度爲幽鎮招撫使十月丙寅度爲鎮州都招討

使

通監長慶二年正月王庭湊圍牛元翼於深州

二月丙戌遣中使入深州督牛元翼赴山南鎮裴度亦與幽鎮書責以大義克融即解圍去裴度傳度之行移克融廷湊書開說以大誼帝方憂深州圍欲必出牛元翼使度騰書布旨

唐魏博橫海昭義河東義武等軍諭鎮州檄

寶錄長慶元年五月以鎮州殺節度使弘正下詔曰梟音未革狼顧猶存忍害忠良恣為殘賊毀舟楫於鯨鯢嚼股肱於蛇豕人神共憤卿士叶謀咸願誅夷用申寃痛尚念一軍之中豈無我勇奮卒變動必非

嘉靖丁巳年

王洽卷一百八十九
衆謀苟得其魁餘復何罪宜令魏博等軍各出全軍以臨界首仍各飛書檄具諭朝旨開迷復之門廣自新之路

唐諫議大夫德州行營諸軍討會使諭兩河諸鎮

相耆傳太和初李同捷反詔兩河諸鎮出兵又無功

耆與判官沈亞之諭旨

二年十一月丁丑

崔弘禮傳時徐

泗節度使王智興檄兗海鄆曹淄青當徐道者出車五千乘轉粟饋軍

唐劍南東川節度使兼西川節度譙蠻檄

郭釗傳大和三年十一月南蠻寇蜀取成都外郭杜元穎不能禦詔釗兼領西川未行蠻衆已略梓州州兵寡釗貽書譙蠻首差嶺以侵叛意曰元穎數侵吾圍我以是報乃修好約無相犯

元穎傳天子遣使臨撫南詔

唐左僕射荆南節度使檄南詔

段文昌傳大和四年檢校左僕射徙帥荆南南詔襲

嶺州帝以文昌得蠻夷心

文昌先爲西川節度治寬靜羣蠻震服

詔使

下檄諭責卽日解而去復節度西川通監大和五

年十月南詔寇嶺州六年十一月乙卯文昌節度西

川

唐劔南東川節度使諭蓬瀘嘉榮諸州蠻

檄

盧弘宣傳拜東川節度時歲飢盜結酋豪自王聰蓬瀘嘉榮諸州誅蠻落搃亂弘宣下檄脅諭賊黨稍降

開成中

唐刑部侍郎兼御史中丞諭河朔列鎮

李回傳會昌中伐劉稹武宗慮河朔列鎮陰相締以

撓兵事李德裕薦回

三年七月

持節往諭何弘敬

魏

王元

達

成德

以澤潞邈京洛非若河北三鎮許世以壤地傳

子孫者且稹父子無功悖誼理上以邢洛磁三州與

境用軍莫不效銀曰一節不為事出山

公等取三州報天子二將聽命又張仲武龍以此

兵以回鶻而與劉氏不協回至諭以大義仲武釋然

即合太原軍攻潞通監會昌二年昭義劉從諫薨

積請為留後李德裕曰澤潞近處腹心一軍素稱忠

義嘗破朱滔為從史李抱真成立此軍德宗猶不許

承襲頃時多用儒臣為帥劉悟死敬宗方怠於政遂

以符節付從諫積恃河朔三鎮但鎮魏不與之同則

無能為也若遣重臣諭元達弘敬以河朔傳襲已成

故事與澤潞不同三州隸昭義者委兩鎮攻之徧諭

將士以賊平厚賞則積必禽矣上命德裕草詔賜元
德弘敬曰勿為子孫之謀欲存輔車之勢但能顯立
功效自然福及後昆又賜張仲武詔以回鶻餘燼未
盡相卿德侮七月遣李回宣慰三鎮令幽州乘秋見
李回勸鎮魏早平澤潞三鎮無不奉詔

唐河陽三城節度王茂元檄劉稹

李商隱集檄云不思先毅之忠將覆藥書之法願思
苦口之言以定東身之計秘喪則於孝未聞拒詔則
於忠已失于主

李商隱集

國鎮王之卒重生彭寵之家不義

侯更出抱莫討逆則義著從中舉示以之進退其
歸欵未整來轅戎臣鼓勇以爭先天子赫怒一
金缺一受牙璋四馳魏衛擊其東南晉趙出其西北下
飛狐之口入天井之關巨浪難防長飈易扇驚地
之鼓角駭樓上之梯撞喪貝躋陵飛走之期既絕
戈散地灰釘之望斯窮自然麾下平生盡忘舊愛
中親信即起他謀幸思反道敗德之難念順令畏
之易

冊府元龜云武宗遣諸鎮以書告諭以刊病禍福之宜茂元與陳書云云

唐朝方節度使移党項羌

史官忠憲傳會昌中党項羌為寇徙朔方有詔賜

忠憲忠辭曰羌不得其心故不自安今亟往知吾為
備闕益健請徐行許之乃移書與羌人示要約羌人
皆喜

唐刑部侍郎郊寧節度河西供軍安撫使
諭党項

畢誠傳入翰林為學士党項擾河西宣宗召訪邊事
誠援實古今條破羌此甚悉帝悅曰頗效在吾禁廷
卿為朕行乎六月除大誠到軍遣吏懷諭羌人順向
十月誠諭党項

唐太原節度使諭回鶻諸部

韋宙傳宣宗時盧鈞節度太原宙爲副時回鶻已破諸部入塞下剽殺吏民宙往自定襄鴈門五原絕武州塞略雲中踰句注徧見酋豪鑄論之約束不得擅以兵侵諸戎犯者死三部六蕃諸種皆信悅

唐劔南西川節度使移南詔驃信檄

高駢傳僖宗以駢節度西川時南詔寇嶺州掠成都攻雅州壁廬山聞駢至悉解去駢移檄驃信勒兵從之驃信懼送質子入朝

乾符元年十二月

唐鳳翔隴右節度使檢校尚書左僕射同

中書門下平章事克京西諸道行營都統

傳天下藩鎮檄

鄭畋傳廣明元年鎮鳳翔黃巢陷東都僖宗出梁洋

遂檢校左僕射西面行營都統中和元年

通監三月辛酉爲京

城四面請軍都統秦以涇原程宗楚爲副

與程宗楚

涇原

仇公遇

秦州

李孝昌

延拓拔思恭

夏州

約盟三月甲子畋傳檄天下藩鎮合

兵討賊具官移檄告諸藩鎮郡縣侯伯牧守將吏曰

夫屯亨有數否泰相公如日月之蔽虧似陰陽之愆

伏是以漢朝方盛則莽卓肆其奸凶夏道未衰而羿

澆騁其殘酷不無僭越尋亦誅夷妖孽之生古今難

免代有中正之士力爲正復之謀我國家應五運以

乘乾躡三王之垂統縣區飲化西宇歸仁十八帝之
鴻猷銘於神鼎三百年之睿澤播在人謠加以政尚
寬弘刑無枉濫翼翼勤行於王道孜孜務卹於生靈
足可傳寶祚於無窮御璠圖於不朽近歲螟蝗作害
旱暵延災因令無賴之徒遽起亂常之暴雖加討逐
猶肆猖狂草賊黃巢奴僕下才豺狼醜類寒耕熱耨
不厲力於田疇媮食靡衣務偷生於剽奪結連凶黨
驅迫平人始擾害於里閭遂侵陵於郡邑屬以藩臣
不武戎士貪財徒加討逐之名竟作遷延之役致令
滋蔓累有邀求聖上愛育情深含弘道廣指萬方而

罪已用百姓以爲心假以節旄委之藩鎮冀其悛革
免困疲羸而殊無犬馬之誠但恣蟲蛇之毒虐劉我
征鎮覆沒我京都凌辱我衣冠屠殘我士庶視人命
有同於草芥謂大寶易取如奕棋而乃竊據宮闈僞
稱名號爛羊頭而拜爵續狗尾以命官燕巢幕以誇
安魚在鼎而猶戲殊不知五侯拗怒期分項羽之屍
四冢旣成待莽蚩尤之骨猶復廣侵田宅濫蓄貨財
比溪壑以難盈類鳥鳶而縱攫茫茫赤縣僅同夷貉
之鄉惴惴黔黎若在狴牢之內人神其怒行路傷心
略謬領藩垣榮兼將相每 戈而待旦常泣血以忘

殄誓與義士中臣共翦狐鳴狗盜近承詔命會合諸
軍皇帝親御六師卽離三蜀霜戈萬隊鐵馬千羣雕
虎嘯以風生應龍驤而雲起淮南高相公會關東諸
道百萬雄師計以夏初會於關內畋與涇原節度使
程宗楚秦州節度使仇公遇等已驅組練大集關畿
爭麾隴上之蛇矛待掃關中之蟻聚爾吐蕃党項以
久濡皇化深憤國讐願以沙漠之軍共獻盪平之捷
此際華戎合勢藩鎮連衡雜旗煥爛於雲霞劔戟晶
熒於霜雪莫不持繩待試賈勇爭先思垂竹帛之功
誓雪朝廷之耻矧茲殘孽不足殄除况諸道世受國

恩身糜好爵皆貯興邦之畧咸傾致主之誠自函洛
造氛鑿輿避狄莫不指銅駝而皆裂望玉壘以蒐消
聞此勤王固宜投袂更希憤激速殄寇讐永圖社稷
之勲以報君親之德迎鑿反正豈不休哉時天子在
蜀詔令不通檄至遠近咸聳爭發兵應之

又見通鑑
鄭從謹

傳鄭畋以宰相鎮鳳移檄討
賊巢傳云畋傳檄召天下

唐東都留守移近鎮檄

劉元章傳爲東都留守黃巢至寄治河清受僞官吏
悔愧移檄近鎮起兵扞賊

唐成德軍節度使同中書門下平章事檢

校太尉兼中書令常山王勳檄諸道

王景崇傳

董巢反帝西狩偽使齎詔至景崇斬以徇

因發兵馳檄諸道合定州處存建師西入關問行在
貢輸相踵

唐門下侍郎同平章事兼中書令義成節
度使諸道行營都統孫愬天下

通鑑

又本傳

中和二年守司徒兼門下侍郎同平章事

王鐸以高駉逗撓無心討賊感愴請行正月辛亥爲
行營都統袁崔安潛自副周王亞祭等六節度爲
將佐率衛兵洎梁蜀師三萬樓屋移檄天下四月

鐸將兩川興元軍屯靈感寺涇原屯中
屯渭北邠寧鳳翔屯興平保定韓
武功官軍四集先是諸將雖環賊莫肯先及鐸檄至
號令殷然士氣皆起黃巢戰數蹙後數月復京師策
勲居關東諸鎮第一

唐諫議大夫諭河中

劉崇望傳

僖宗幸山南

光啓二年

崇望不率職選使者

即河中鑄諭使自新崇望以諫議大夫持節往陳

臣大義

六月

重榮順服請誅朱致自效

遣監

遣使至晉陽賜李克用

用燔詔囚使者遣使

表移檄進討表至上出示從官并諭山南諸鎮

唐河東節度使移檄二鎮

通監乾寧二年五月王行瑜李茂正韓建舉兵犯闕

六月李克用請討之移檄數其罪

唐中書侍郎同中書門下平章事移檄四

方

朱朴傳帝益治兵朴移檄四方令近者出甲士資饋

饟遠者以羨餘上

晉王諭邢洺魏博衛滑諸郡縣檄

五代史天祐八年正月周德威等破賊狗地邢洺先

萬曆丁亥年

三

二

監生葉正昇刊

馳檄諭邢名魏博衛滑諸郡縣曰王室遇屯七廟被
陵夷之酷昊天不弔萬民罹塗炭之災必有英主奮
庸忠臣仗順斬長鯨而清四海靖祲祲以泰三靈予
位忝維城任當分閫念茲顛覆詎可宴安故仗威文
輔合之規問昇浞兇狂之罪逆温碭山庸隸巢孽餘
兇當僖宗奔播之初我太祖掃平之際束身泥首請
命身門苞藏姦詐之心惟示婦人之態我太祖俯憐
窮鳥幽為開懷特發表章請帥梁汴纔出葦蒲之澤
便居茅社之尊殊不感恩遽行猜忍我國家祚隆周
漢迹盛伊唐二十聖之鑑基三百年之文物外則五

侯九伯內則百辟千官或代襲簪纓或門傳忠孝皆
遭陷害永抱沉寃且鎮定兩藩國家臣鎮冀安民而
保族咸屈節以稱藩逆溫唯仗陰謀專行不義欲全
吞噬先據屬州趙州特發使車來求援助予情惟盪
寇義切親仁躬率賦輿赴茲盟約賊將王景仁將兵
十萬屯據栢鄉遂驅三鎮之師授以七禽之略鸚鵡
纔列梟獍大奔易如走坂之九勢若燎原之火僵尸
仆地流血成川組甲雕戈皆投草莽謀夫猛將盡作
俘囚羣兇旣快於天誅大憝須垂於鬼錄今則選蒐
兵甲簡練車徒乘勝長驅翦除元惡凡爾魏博邢洛

之衆感恩懷義之人乃祖乃孫爲聖唐赤子豈狗虎
狼之黨遂忘覆載之恩蓋以封豕長蛇憑陵荐食無
方逃難遂被脅從空嘗膽以銜冤竟無門而雪憤旣
聞告捷想所慰懷今義旅徂征止于招撫昔耿純焚
廬而向順蕭何舉族以從軍皆審料興亡能圖富貴
殊勲茂業翼子貽孫轉禍見機決在今日若能詣轅
門而效順開城堡以迎降長官則改補官資百姓則
優加賞賜所經註誤更不推窮三鎮諸軍已申嚴令
不得焚燒廬舍剽掠馬牛但仰所在生靈各安耕織
予恭行天伐罪止元兇已外歸明一切不問凡爾士

衆咸諒予懷

廣南西路轉運使諭交州檄

興國五年丁璿幼大校黎亘專制七月侯仁寶討之
六年二月賊詐降仁寶爲所害轉運使許仲宣草檄
諭交州明國威信期必再舉亘懼遣使入貢

嶺南轉運使諭交州渠帥檄

實錄許仲宣爲轉運使會征交州師不習水土以便
宜罷其軍分屯諸郡太守嘉之仲宣遂草檄以諭交
州渠帥卽送款內附遣使修貢

知制誥撫諭西羌

西羌地瘠以池鹽易穀於邊及李繼遷爲寇陝西漕臣鄭文寶請禁青白鹽戎人乏食寇石昌鎮屠小康堡內屬萬餘帳亦叛淳化三年三月錢若水馳傳除其禁且撫諭諸族乃定

樞密直學士知益州諭益州民

淳化五年正月甲戌討李順 又以張詠知成都府寇掠之際民多脅從詠移文諭以朝廷恩信使各歸田里詠曰順脅民爲賊吾化賊爲民

荆湖北路轉運使移檄屬郡

慶曆中歐希範誘溪洞環州蠻人叛上以田瑜習南

方事除轉運許便宜行事瑜移檄屬郡募土人翹悍
敢戰者甚衆又轉粟以守要害

湖北轉運使檄屬部擊區希範

慶曆四年正月南環州蠻區希範與其族爲亂推蠻
酋蒙趕爲帝丙子陷本州殺官吏二月破鎮寧州癸
卯詔發兵戊申上以廣西提刑田瑜習知羸虜事除
湖北轉運使及瑜至檄屬部募民擊賊又督轉粟以
守要害

天章閣待制環應路經略安撫使知慶州
移夏人檄

慶曆七年夏命杜杞知慶州自元昊稱臣聽誓數犯約鈔邊邊吏避生事縱不敢爭杞始至其酋孟香率千餘人內附夏人以兵入界求香香走自匿夏兵驅殺邊戶掠奪羊馬朝議責杞亟索而還之杞言夏人違誓舉兵香不可與因移檄夏人不償所掠則孟香不可得

廣西體量安撫使移檄交趾

嘉祐五年六月交趾與申洞蠻寇邕州殺五巡檢戊寅詔發兵討之召吏部侍郎余靖安撫廣西悉發荆湖兵以從

十二月
辛酉詔

靖至則移檄交趾召其臣費嘉祐

祐皇恐對曰種洛犯邊罪當死願留取首惡
卽械五人送欽州斬于界上

祥符七年十二月廣西轉運使高惠連言交趾寇欽
州詔移牒

荆湖南路察訪諭告梅山蠻 客省使翟

守素平梅山蠻

熙寧五年七月遣章原察訪湖南經制蠻事十月發
梅諭告開梅山道 初太平興國二年梅山峒蠻苞
漢陽寇暴不止遣客省使翟守素發潭州兵擊之八
月詔曰汝等保於溪洞守在封陞况霜露之所均固

聲明之攸暨遽忘覆育敢恣睚眦毒我齊民撓茲戎
索亦嘗誅誘尚或逗留旣豺虎之難馴當鯨鯢之盡
戮更爾招攜庶幾悅改當諭好生之旨勉思轉禍之
言無蹈駭機自貽後悔漢陽猶保險拒命守素進兵
討平之

大原鈴轄蘇安靜檄夏國

自郭恩敗沒藏訛厖益肆經略使遣李思道等議
事訛厖不聽嘉祐六年六月安靜檄夏國得呂寧棧渡
掠黎來合議乃更築城新邊禁邀以違約則罷和
市自此始定庚辰靜上屈野河界圖

梓夔察訪使諭瀘夷檄

熙寧六年瀘州羅晏夷叛犯清井監五月癸丑詔中書檢正官熊本察訪以便宐從事七年本措置瀘夷事誘十二村酋領誅之用黔南弩手及募土丁八夷界一日屢捷諸夷皆望風而靡本以夷酋甫望箇怒者桀黠乃遣人開諭許以爵賞遂納貢願世爲漢官正月甲子瀘夷平上勞之曰檄奏詳明近世鮮有

熙河經略使諭邈川

元符二年二月邈川温党征密欲歸漢詔經略孫路方誘之

兵馬大元帥康王傳檄諸郡

靖康元年閏十一月己酉康王爲兵馬大元帥十二月壬戌朔王開大元帥府于相州乙丑大元帥府乃傳檄諸郡檄曰女真猖獗再犯京城臣子之心義當效死矧凡在職世受國恩當此艱危豈應坐視空勉忠義戮力勤王二年四月二日辛酉大元帥府傳檄郡國下宣撫使范訥等亟會兵城下以候進發

陝西制置使檄鄜延討賊

陝西制置使錢蓋聞虜陷長安檄集英殿修撰鄜延經略使王庶兼節制環慶涇原兵討賊

兵馬副元帥慰撫京城士庶檄

靖康二年四月壬午。徽猷閣待制兵馬副元帥宗澤。至大名府。欲渡河迎取二聖。而勤王之兵無一至者。又聞張邦昌僭立。欲先行誅討。密遣健步間道持檄。慰撫京城士庶。

河北招撫司都統制王彥傳檄諸郡

建炎元年九月戊申。彥率裨將張翼白安民岳飛等十一將。以所部七千人渡河。與金人戰破之。遂復新鄉縣。彥既得新鄉。傳檄諸郡。

禮部侍郎御營參贊軍事召諸將檄

建炎三年春苗傅劉正彥擁衆殺樞臣張浚檄召諸將除君側之惡

同簽書樞密院事江淮兩浙制置使傅檄

中外

建炎三年三月壬寅資政殿學士呂頤浩與張浚進兵誅二凶以勤王所爲名傅檄中外曰苗傅躬犬豕不食之資取鯨鯢必戮之罪乃因艱難之際敢爲廢立之謀劉正彥孺子狂生同惡相濟云云今呂頤浩因金陵之師劉光世引部曲之衆張浚治兵於平江韓世忠張俊馬彥溥各率精銳辛道宗永宗陳思恭

總舟師湯東野周杞扼險要趙哲集民兵劉誨李迨
魏芻糧楊可輔等參議軍事同時進兵以討元惡

知樞密院事御營副使宣撫處置使諭川
陝 移檄河東

建炎三年五月戊寅朔張浚爲宣撫處置使以川陝
京西湖南北路爲所部七月庚子賜川陝官吏軍民
詔曰今遣浚往諭密旨其念祖宗積累之勤勉人臣
忠義之節以身徇國無貽名教之羞同德一心共建
隆興之業當有茂賞以荅殊勲四年八月浚以虜衆
猶在淮甸欲分撓其兵勢於是決策用兵移檄河東

問罪癸未復永興軍浚合五路兵四十萬約日會于
耀州以與虜戰

鼎澧鎮撫使傳檄二州

建炎四年六月庚辰直龍圖閣程昌寓

會要作昌禹

爲鼎

澧鎮撫使兼知鼎州時羣盜方盛楊華楊太等出沒
未已孔彥舟在鼎州八月昌寓傳檄二州

京西招撫使傳檄諸軍收復東京

紹興三年李橫三月甲子以其文來上略曰僞齊

僭號自速翦夷國運中興王師已進西壓淮泗東接
海沂駟騎交馳羽書疊至我則兼收南陽智謀之士

提大河忠孝之人伏羲以行乘時而動又曰金商之
兵出其先荆湖之師繼其後若能納欵則悉仍舊貫
執迷不悟則後悔難追

少保奉國軍節度使四川宣撫使檄告契
丹西夏高麗渤海達靺諸國及我河北河
東陝西京東河南等路官吏軍民等

紹興三十一年冬十月庚子朔吳璘檄樞密院所降
本也

淮南浙西江東西制置使告契丹諸國及
中原檄

紹興三十一年十一月一日劉錡檄告契丹西夏高麗渤海遼鞞諸國及河北河東陝西京東河南等道兵義者王逆者亡要當觀理師有爲壯曲爲老烏可恃疆制軍誥禁王者所以申九瀆之嚴取亂侮亡聖人所以馭萬邦之衆聖主應天而順人必盡撫邇遐之衆智士轉禍而爲福當深明去就之幾惟天無親作不善者神弗赦得道多助仗大義者衆必歸王者以無外爲仁常篤近而舉遠聖人以不殺爲武能保大而定功天道福善禍淫信渠凶之必

殄君子赦過宥罪宜舊染之惟新 天無二日十

二王田有一成衆有一旅 退而增修於是有舞干

之義諭以遷善於是文告之辭若猶未悛乃用致

討 皇天既付中國民撫千齡之興運廢邦迪知上

帝命合衆志以歸仁 因變制宜大夫出疆之義伐

叛討貳諸侯敵愾之功 風俗浸移已作李陵之胡

服謳謠未改豈忘莊舄之越吟 賊齒益寒虜臂皆

斷 鼠牙敢意於崇墉螳臂何知於隆隧 靡懷掎

鹿之謀夙聽牽羊之計 亦惟恃我朝廷爵秩之隆

用能保爾子孫黎民之衆 率酋豪而捍疆場乃爾

世功叛君父而從雖豈其本意庶能改過未忍加

兵 期寵祿於有終知大恩之難再 奉我王明以

其寶摯 聞中國有燕仁歸時事於宰旅 開封賞

之科著歸忠之傳 未修德有苗歸心周穆徂征

荒服不至 困獸雖思於猶鬪涸魚寧久於偷生

因爾倒戈之心乘我破竹之勢 兵利卒頑因撫而

有右翦左屠聿禽其良 待以赤心縻之好爵 言

念脅從之衆豈皆好亂之氓弄潢池之兵諒非爾志

烈竄罔之火亦豈予心與其假息以偷生孰若轉禍

而爲福 雖暫結於蜂屯卒莫逃於鯨戮自有宇宙

至于今日未聞盜賊得以全軀 推不殺之仁界
生之路儻復舊業卽爲良民棄兵弩持鉤鉏苟知舍
逆而效順問田疇卜居宅當俾去危而卽安 祖宗
之盛德在天下莫大於好生南北之赤子皆吾民何
心於從亂 蛟雷聚響螿斧稱威 言念蒼生無非
赤子 鋒蝟斧螿帶牛佩犢 一夫作孽百姓何辜
春秋大一統夫孰非邦域之中帝王自有真蓋早
定君臣之分 蜀郡附於公孫幾闔城之屠戮河西
歸於光武致列郡以安榮明效在前於今可觀 王
者有征而無戰孰禦其鋒天下後服者先亡終定于

一 儻昧先知之智難逃後至之誅 昔堯芮效忠

世列長沙之壤田橫亡命身貽海島之羞顧逆順之
灼分惟智愚之審擇 設爵以延囹橫指河而誓朱

鮪 中原鹿走沸鼎魚游 樂盈于紀寧忘武子之

動蕭延紹封無廢鄧侯之嗣 識暗挈鉞智慙衛足

涇渭合流蘭鮑同肆 瞻烏未定附鳳何從 九

黎亂德黃帝加誅項羽罪十漢祖不捨 積甲與山

齊永息煙塵之警取印如斗大益肩帶礪之盟 秦

人之鹿掎角相資常山之蛇首尾俱應 未展鷹揚

已背魚爛 斧鉞既下必嬰喪元之悲王右一焚樵

軫噬齊之歎 驚颺更迅於雷霆烈焰寧分於玉石
請分金而間楚願奉璧以伐虞 弱卒瑣甲欲抗
堂堂之師縈帶汗城冀保區區之命 鳳鳴高岡以
遠爵羅賢聖之德也 鵠鳩巢於葦苕苕折子破下愚
之惑也 竇融以河西歸漢榮被於後裔彭寵盜逆
魚陽身死於奴僕 虢滅虞亡韓并魏徙 廉公思
趙將吳子泣西河 夙沙主雖愚蔽民盡知歸有苗
始爲跋扈終而大服漢南見一面以從殷河西率五
郡而歸漢 舞階以服有苗因壘而降崇國 伏波
游說永作漢藩延壽脫歸終爲魏守器改秦虞才通

晉楚行藏用捨亦豈有常 微子去殷而入周項伯

叛楚而歸漢 朝陽委照燭火收光春雷發音蟄戶

知令 舞干之義載於虞書前禽之訓昭乎義易

封豕荐食困獸猶鬪 燕巢幕以誇安魚在鼎而猶

戲 唐虞之世蠻夷猾夏周宣之盛亦讎大邦 爲

劉氏左袒飽聞思漢之忠後湯后東征必尉戴商之

望 我軍過之若駭鯨之決細網奔兕之觸魯縞未

足以喻其易 秦人之鹿倚角以攻常山之蛇首尾

相應 士百其勇人一其心 虎牙鷹陽之臣蛇牙

犀渠之羣橫行而束我伐用張月羽雲旗以先啓行

將斲鼻猊以鼙鼓封鱣鯢于京觀 變伊川之髮削
呼韓之衽 九夷百越雷隨風渙 恬波沸海之中
靜稜稽天之際 四七並列百萬爲羣以轉石之形
爲破竹之勢 爲風爲火殪彼蒙衝如霆如雷擊其
舟艦 擣拔而傾山嶽騰嘯而御風雲 臣有召公
日惟百里之闕將皆南仲月無三捷之虛 鋒鏑一
交玉石同碎 舉烈火以燎毛飛嚴霜而脫葉 無
禮於君奮鷹鷂而驅鳥雀有功必賞誓帶礪而保山
河 冀馬追風吳戈照月 審配死於袁氏不如張
郃歸曹范增困於項王未若陳平從漢 燕巢衛幕

魚游宋池 昏既亡而齒必寒 度不存而毛安傳

積德者天之所啓 反道者鬼得而誅 潞子離狄而

春秋書徐夷 朝周而大雅詠 寬其萬死之誅 弘以

再生之路 招攜以禮而懷之 以德撫我則后而虐

之則讎 不爭而勝者天之道 不戰可屈者人之兵

雖以至仁 伐不仁 替弔民之盛舉 然殺無道就有

道豈爲政之本心 殷微去商 侯服周代 項伯背楚

賜姓漢朝 蟻猶有君 鳥則擇木 遠者來近者悅

同我太平 撫則后虐 則讎惟爾審擇

玉海卷第一百八十八

上海卷第一百八十九

後儀王應麟伯厚甫

兵捷

兵捷 露布

魏晉宋齊梁陳為尚書五兵元魏為七兵隋唐方
有兵部龍朔改司戎先宅改夏官天寶十一載改
武部 通典後魏攻戰克捷欲天下聞知乃書帛
建於漆竿上名為露布自此始也

後漢隗囂傳曰

書司徒露布注檄軍書若蜀漢之露布也李雲傳露

布上書注謂不封也又為馬捷伐曹操作魏志注
文從司馬宣王征遼東及破賊作露布世說素

定倚馬前作露布後魏袁城王勰曰露布者布於四海露之耳目隋文帝開皇中

詔牛弘撰宣露布禮九年平陳元帥晉王以駟上

露布兵部奏請依新禮集百官四方客使等並赴

廣陽門外內史令宣訖蹈舞者三又拜而罷隋志有雜

露布十二卷雜檄文十七卷魏武帝露布文九卷唐每平寇宣露布其曰

守官量設羣官次露布至兵部侍郎奉以奏聞集

羣官東朝堂中書令宣布

漢票騎將軍破渾邪王

霍去病傳元狩二年春三秋肱為票騎將軍將萬騎出

隴北有功上曰票騎將軍率戎士隄烏盤討遠濶涉

如歷五王國獲單于于轉戰六日過焉
合短兵塵臯蘭下殺折蘭王斬盧侯
誅全甲獲醜執渾邪王子及相國都尉捷首虜八
千九百六十級收休屠祭天金人師率減什七益封
去病二千二百戶其夏與合騎侯俱出北地去病
至祁連山捕首虜甚多上曰票騎將軍涉鈞者濟人
延遂臻小月氏攻祁連山揚武乎鱗得單于單于
首涂王及相國都尉以衆降下者二千五百人捷首虜
三萬二百獲五王王母閼氏王子五十九人相國將
軍當戶都尉六十三人師大率減什三益封去病五

千四百戶

去病北出

二

千

餘里

過

居

延

斬首

虜

三萬

公

三萬

無檢其衆

降置五屬國

三

三

餘里

過

居

延

斬首

虜

三萬

公

三萬

漢大將軍圍單于至闐顏山

武紀元狩四年夏大將軍衛青將四將軍出定襄將

軍去病出代各將五萬騎步軍踵軍後數十萬人青

至幕北圍單于斜單于伊穉斬首萬九千級至闐顏山

乃還去病與左賢王斬首虜七霍去病傳上與

諸將議曰翁侯趙信為單于畫計常以為漢兵不能

度幕輕留今大發卒其勢必得所欲是歲元狩四年

春上令大將軍青票騎將軍去病各五萬騎令去

病出代郡令青出定襄郎中令李廣爲前將軍太僕
公孫賀爲左將軍王爵趙食其爲右將軍平陽侯襄
爲後將軍皆屬大將軍趙信爲單于謀曰漢兵卽度
幕人馬罷匈奴可坐收虜耳迺悉遠北其輜重皆以
精兵待幕北而適直青軍出塞千餘里見單于兵陳
而待於是青令武剛車自環爲營而縱五千騎往當
匈奴匈奴亦從萬騎會日入大風起沙礫擊面兩軍
不相見漢益縱左右翼繞單于單于視漢兵多戰而
匈奴不利薄莫單于遂乘六羸壯騎數百直冒漢圍
西北馳去漢軍因發輕騎夜追之青隨其後匈奴兵

亦散走會明行二百餘里不得單于頗捕斬首虜萬餘級遂至賓顏山趙信城前匈奴積粟食軍軍留一日而還悉燒其城餘粟以歸凡斬首虜萬九千級是時匈奴衆失單于十餘日青凡七出擊匈奴匈奴傳是後匈奴遠遁而幕南無王庭單于用趙信計遣使好辭請和親

漢伏波將軍平南粵

南粵王傳興嗣立

嬰齊之子

元鼎四年漢使諭王入朝興

上書願比內諸侯三歲一朝除邊關許之賜丞相呂嘉銀印王欲入朝嘉諫不聽陰謀作亂天子遣韓千

秋將二千人入粵境嘉乃反殺太后王漢使者立建德爲王以兵擊千秋等滅之函封漢使節至塞上謾辭謝罪發真守要害天子令粵人及江淮以南樓船淮萬艘往討元鼎五年秋衛尉路博德爲伏波將軍出桂陽下湟水主爵都尉楊僕爲樓船將軍出豫章下橫浦故歸義粵侯二人爲戈船下瀨將軍出零陵下灘水抵蒼梧馳義侯因巴蜀罪人發夜郎兵下牂牁江咸會番禺六年冬樓船將精卒先陷尋陘破石門得粵船粟因推而前挫粵鋒以粵數萬人待伏波伏波道遠後期與樓船會乃有千餘人遂俱進樓船

居前至番禺建德嘉城守會暮樓船攻敗粵人縱火
燒城伏波遣使招降者賜印綬復縱令相招遲旦城
中皆降伏波嘉建德夜與其屬數百人亡入海伏波
問降者知所之遣人追故其校司馬蘇弘得建德爲海

常

侯粵郎都稽得嘉

爲臨

蒼梧王趙光降

爲隨

桃侯粵桂林

監居翁諭告甌駱四十餘萬口降

爲湘

城侯粵平以爲九

郡自尉佗王凡五世九十三歲而亡

紀元鼎六年

冬幸緱氏至左邑桐鄉聞南粵破改聞喜縣春至汲
新中鄉得呂嘉首呂爲獲嘉縣遂定越地 天官書

越之亡熒惑守斗

漢中郎將平西南夷

武紀元鼎六年春馳義侯遺兵未及下上令征西南

夷平之定西南夷曰爲武都牂柯越雋沈黎文山郡

西夷邛都滇南夷夜郎

大事紀曰本

紀所書誤且蘭所殺使者卽馳義侯元封二年秋

遣將軍郭昌中郎將衛廣發巴蜀兵平西南夷未服

者爲益州郡傳南粵反上使馳義侯因犍爲發南

夷兵且蘭君恐遠行旁國虜其老母乃與其衆反殺

使者及犍爲太守漢乃發巴蜀罪人當擊南越者八

校尉擊之會粵已破漢入校尉不下中郎將郭昌衛

廣引兵還行誅隔滇道者且蘭斬首數萬遂平南夷

為將柯郡夜郎侯多同始倚南粵粵已滅遂入朝邛
 若并殺苻侯冉駝皆震恐請臣置吏以邛都為粵雋
 作都為沈黎冉駝為文山廣漢西白馬為武都郡使
 王然于風論滇王入朝滇舉國降請置吏入朝以為

益州郡

滇莊
驕後

漢橫海將軍平東越

通監元鼎六年秋東越王餘善反遣橫海韓說出句
 章浮海從東方往樓船楊僕出武林中尉王溫舒出
 梅嶺越侯為戈船下瀨將軍出若耶漢書作
如邪白少
 閩粵王傳漢五年立無諸為閩越王王閩中無諸姓
騶氏初

帥粵人佐
漢擊項

建元六年餘善殺王郢自立因立爲東粵

王至元鼎五年南粵反餘善請以卒八千從樓船擊
呂嘉等兵至揭陽以海風波爲解持兩端陰使南粵
及漢破番禺樓船將軍僕上書請誅之明年秋餘善
發兵距漢道號將軍騶力等爲吞漢將軍入白砂武
林梅領殺漢三校尉刻武帝璽自立上遣韓說等擊
之元封元年冬咸入東粵樓船軍卒樓終古斬徇北
將軍故粵衍侯吳陽以其邑七百人反攻粵軍於漢
陽及故粵建成侯敖與繇王居股謀俱殺餘善以其
衆降橫海軍詔遷其民江淮遂虛其地

漢將軍平西羌

武紀元鼎六年冬十月發隴西天水安定騎士及中尉河南河內卒十萬人遣將軍李息郎中令徐自爲征西羌平之後傳先零羌與匈奴通合兵十餘萬攻令居圍枹罕息自爲擊平之始置護羌校尉羌乃去湟中依西海鹽池

漢匈奴將軍虜樓蘭王

表元封元年趙破奴以匈奴將軍擊樓蘭封浞野侯大事紀元封元年冬十月遣破奴擊西域虜樓蘭車師王解按大宛傳自博望侯開外國道而樓蘭姑

當空道攻劫漢使王恢等匈奴奇兵時時

西國者使者爭言兵弱易擊天子遣從票侯破

奴將屬國騎及郡兵數萬至匈河水欲擊胡胡皆去

通鑑其明年擊姑師破奴與輕騎七百餘先

至虜樓蘭王遂破姑師中郎將王恢捕得其王因暴

其威動大宛烏孫之屬於是酒泉列亭鄣至玉門矣

通鑑歲載於元封三年

漢左將軍荀彘滅朝鮮

傳朝鮮王滿燕人廬綰反滿聚黨千餘人推結夷服

度涇水居上下障都王險惠高后時遼東太守約滿

外臣至孫右渠誘亡人滋多未嘗入見真番辰國
上書見天子又雍闕弗通元封二年漢使涉何譙
右渠不奉詔拜何遼東東部都尉朝鮮襲殺何
乃募罪人擊之秋遣樓船將軍楊僕從齊浮渤海兵
萬荀彘出遼東誅右渠兩將未有利使衛山因兵
往諭右渠見信節請服疑不度浪水三年夏臣
相參使人殺王右渠來降定為四郡時星菴於河戎

漢拔胡將軍擊昆明

紀元封六年春益州昆明反赦京師亡命令將軍遣
將軍郭昌將呂擊之斬首數千

漢貳師將軍討宛王

漢紀太初元年秋八月遣貳師將軍李廣利發天下
謫民西征大宛四年春貳師將軍廣利斬大宛王首
獲汗血馬來作西極天馬之歌

攷向曰石罅有鱗三

李廣利傳太初元年發屬國六千騎及郡國惡少
年數萬人伐宛期至貳師城取善馬故號貳師將軍
越港侯王恢使道軍既西過鹽水當道小國各堅城
守不肯給食攻之不能下下者得食不下者數日則
去此至郁成士有數千皆飢罷攻郁成城郁成距之
傷甚衆貳師將軍與左右計至郁成尚不能塞

至其王都乎引而還往來二歲至敦煌士不過什
一使使上書言道遠多乏食士卒不患戰而患飢
不足以拔宛顏且罷兵益發而復往天子聞之
使使遮玉門關曰軍有敢入斬之貳師恐因留
敦煌其夏發惡少年及邊騎出敦煌六萬人益發
卒十八萬而發天下七科適及載糒給貳師而
行者馬者二人為執驅馬校尉備破宛擇取其善馬
云於是貳師復行至輪臺屠之至宛城兵到者三萬
宛人迎擊漢兵漢兵敗之宛入保其城攻之四十餘
日宛人謀曰王母寡匿善馬殺漢使今殺王而出

善馬漢兵宜解宛貴人以爲然共殺王持其頭出其
衆令漢自擇之漢軍取其善馬數十匹中馬以下北
牡三千餘匹而立昧蔡爲宛王與盟而罷兵終不得
入中城軍還詔曰匈奴與旁國謀共要絕大月氏使
遮殺中郎將江故鴈門太守攘危須以西及大宛皆
合約殺期門車令中郎將朝及身毒國使隔東西道
貳師將軍廣利征討厥罪伐勝大宛賴天之靈從派
河山涉流沙通西海山雪不積士大夫經度獲王首
虜珍怪之物畢陳於闕其封廣利爲海西侯伐宛再
反凡四歲而得罷焉 西域傳宛別邑七十餘城多

善馬張騫始言之上遣使持千金及金馬以請宛王以絕遠大兵不能至愛寶馬不肯與攻殺漢使取其財物於是天子遣貳師將軍李廣利將兵前後十餘萬人伐宛連四年宛人斬其王母寡首獻馬三千匹漢軍乃還貳師既斬宛王更立貴人素遇漢善者名昧蔡爲宛王史天官書兵征大宛星萐招搖

漢開陵侯獲車師王 騎都尉破車師

大事記征和三年夏五月遣開陵侯成婉發樓蘭六國兵圍車師獲其王當改宣紀神爵二年秋九月

匈奴日逐王先賢揮將人衆萬餘來降使都護西域

騎都尉鄭吉迎曰逐

車師皆封侯

西域傳

天漢二年以匈奴降者

介和王為開陵侯

封

樓蘭兵始擊車師匈奴

遣右賢王將數萬騎救之漢

兵不利引去征和四年

遣重合侯馬通將四萬騎擊

匈奴道過車師北復遣

開陵侯將樓蘭尉犁危須凡

六國兵別擊車師勿令

得遮重合侯諸國兵共圍車

師車師王降服臣屬

昭帝時匈奴復使四千騎田

車師宣帝即位

本始

二年

遣五將將兵擊匈奴車師

田者驚去車師復通以漢匈奴怒召其太子軍宿欲

以為質軍宿焉者外不欲質匈奴亡走焉者車師

王更立子烏貴為太子及烏貴立為王與匈奴結婚
媼教匈奴遮漢道通自四孫者地節二年漢遣侍郎
鄭吉校尉司馬憲將名九刑罪人田渠等積穀欲以攻
車師至秋收穀吉憲攻夜城郭諸國兵高餘人自與所
將田士千五百人共擊于車師攻交河城破之王尚在
其北石城中未得會平食盡吉等且罷兵歸渠等田
收秋畢復發兵攻車師王於石城王聞漢兵且至北
走匈奴求救匈奴未攻發兵王來還與貴人蘇猶議欲
降漢恐不見信猶教王擊匈奴邊國小蒲類斬首
其人以降吉車師立方小金附國隨漢軍後盜車師

王復自請擊破金附匈奴發兵攻車師廼輕騎奔烏
孫吉迎其妻子傳送詣長安賞賜甚厚每朝會四夷
常尊顯以示之元康二年立軍宿爲王

吉旣破車師
降日逐威震

西域

漢水衡都尉破西南夷

昭紀始元元年夏益州廉頭姑繒牂柯談指同並二
十四邑三萬餘人皆反

注皆西南
夷別種

遣水衡呂破胡募

吏民及發犍爲蜀郡犇命往擊大破之四年西南夷
姑繒葉榆復反冬遣大鴻臚田廣明擊之五年秋廣
明及單正王平斬首捕虜三萬餘人獲蓄產五萬餘

六年詔以鉤町侯毋波率君長人民擊反者有功立爲鉤町王

漢張掖屬國都尉破匈奴犁汗王

匈奴傳元鳳三年春正月壺衍鞬單于使犁汗王窺邊言酒泉張掖兵弱出兵試擊冀復得其地漢先得降者聞其計詔邊警備後無幾右賢王犁汗王四千騎分三隊入日勒屋蘭番和張掖太守屬國都尉發兵擊大破之得脫者數百人屬國千長義渠王騎士射殺犁汗王因封爲犁汗王屬國都尉郭忠封成安侯

二月癸丑封

自是匈奴不敢入張掖

漢平樂監誅樓蘭

昭紀元鳳四年夏四月詔平樂監傅介子持節使誅
斬樓蘭王安歸首垂北闕七月乙巳封義陽侯

傳

介子傳使大宛還謂大將軍霍光曰樓蘭龜茲數反
覆而不誅無所懲艾介子過龜茲時其王近人易得
也願往刺之以威示諸國大將軍曰龜茲道遠且驗
之於樓蘭於是白遣之介子與士卒俱齎金幣揚言
以賜外國爲名至樓蘭王意不親介子介子陽引去
至其西界使譯謂曰漢使者持黃金錦繡行賜諸國
王不來受我去之西國矣即出金幣以示譯譯還報

王王貪漢物來見使者介子與飲坐陳物示之王起入帳中屏語壯士二人從後刺之刃交匈立死介子諭告以王負漢罪天子遣我來誅王當立更立前太

子質在漢者

西域傳立王弟尉屠耆爲王

漢士方至母敢動動則

滅國矣遂持王首還詣闕公卿將軍議者咸嘉其功上乃下詔曰樓蘭王安歸常爲匈奴間候遮漢使者發民殺掠衛司馬安樂光祿大夫忠期門郎遂成等三輩及安息大宛使盜取節印獻物甚逆天理介子斬安歸首垂北闕以直報怨不煩師衆封介子義陽侯食邑七百五十九戶荆王者皆補侍郎

西域傳

樓蘭治杆尼城去陽關千六百里爲匈奴反間數遮殺漢使其弟尉屠耆降漢言狀元鳳四年霍光白遣介子往刺遂斬其王嘗歸首馳傳詣闕立尉屠耆爲王更名其國爲鄯善

漢校尉入匈奴右地

宣紀本始二年匈奴數侵邊又西伐烏孫秋大發兵調關東輕車銳卒選郡國吏三百石伉健習騎射者田廣明爲祁連趙充國爲蒲類田順爲虎牙及度遼范明友前將軍韓增凡五將軍十五萬騎校尉常惠持節護烏孫兵咸擊匈奴三年正月戊辰五將軍師

發長安夏五月軍罷常惠將烏孫兵入匈奴右地大
克獲封列侯。匈奴傳烏孫昆彌上書言連爲匈奴
所侵削願發國半精兵人馬五萬匹盡力擊匈奴本
始二年校尉常惠使護發兵烏孫西域昆彌自將翕
侯以下五萬餘騎從西方入與五將軍兵二十餘萬
衆惠與烏孫兵至右谷蠡庭獲單于父行及嫂居次
名王犁汗都尉千長將以下三萬九千餘級虜馬牛
羊驢羸橐駝七十餘萬漢封惠爲長羅侯四年四月
癸巳封

匈奴遂衰耗

漢衛侯平莎車

莎車傳宣帝時烏孫公主小子萬年莎車王愛之莎
車王無子死時萬年在漢莎車國人計欲自託於漢
又欲得烏孫心卽上書請萬年爲莎車王漢許之遣
使者奚充國送萬年萬年初立暴惡國人不悅莎車
王弟呼屠證殺萬年并漢使者自立爲王約諸國背
漢會衛候馮奉世使送大宛客卽以便空發諸國兵
擊殺之更立它昆弟子爲莎車王還拜奉世爲光祿
大夫是歲元康元年也

馮奉世傳本始中從軍擊

匈奴軍罷復爲郎先是時漢數出使西域多辱命不
稱或貪汗爲外國所苦是時烏孫大有擊匈奴之功

萬曆丁亥年

三才圖會卷九

五

監生葉正昇刊

而西域諸國新輯。漢方善遇。欲以安之。選可使外國者。前將軍韓增舉奉世以衛候使持節送大宛諸國。客至伊修城都尉宋將言莎車與旁國共攻殺漢所置莎車王萬年。并殺漢使奚充國。時匈奴又發兵攻車師城。不能下而去。莎車遣使揚言北道諸國已屬匈奴矣。於是攻劫南道與軟盟叛漢。從鄯善以西皆絕不通。都護鄭吉校尉司馬意皆在北道。諸國間奉世與其副嚴昌計以爲不亟擊之。則莎車日強。其執難制。必危西域。遂以節諭告諸國王。因發其兵。北道合萬五千人。進擊莎車。攻拔其城。莎車王自殺。傳

其首詣長安諸國悉平威振西域奉世乃更立他昆弟罷兵以聞宣帝召見韓增曰賀正軍所舉得其人奉世遂西至大宛大宛聞其斬莎車王敬之異於他使得其名馬象龍而還

漢後將軍平先零

趙克國傳

兼紀

神爵元年春先零羌反夏四月克國以

後將軍將兵擊之克國計欲以威信招降罕开及却畧者解散虜謀徼極乃擊之遂止秋奏罷騎兵留屯田明年五月克國奏羌本可五萬人軍凡斬七千六百級降三萬一千二百人朔河湟饑死者五六千人

定計遺脫不過四千人羌靡忘等自詭必得請罷屯田克國振旅而還秋羌共斬大豪苻率四千餘人降

詳見屯田類

漢右將軍光祿勳平隴西羌

爲奉世傳爲右將軍光祿勳元帝永光二年秋七月隴西羌多姐旁種反詔丞相韋元成等議是時歲比不登東師穀石二百餘邊郡四百關東五百四方饑饉朝越方以爲憂而遭羌變元成等漠然莫有對者奉世對曰羌虜近在境內背畔不以時誅亡以威制遠蠻臣願帥師討之上問用兵之數對曰善兵者役

不再興糧不三載故天誅亟決今反虜無慮三萬人
法當倍用六萬人然羌戎弓矛之兵耳器不犀利可
用四萬人一月足以決丞相等以發萬人屯守且足
奉世不可曰天下飢饉士馬羸耗守戰之備久廢不
簡夷狄有輕邊吏之心而羌首難今以萬人分屯數
處見兵少必不畏懼有詔益二千人於是遣奉世將
萬二千人騎以將屯爲名典屬國任立護軍都尉韓
昌爲偏裨到隴西分屯三處典屬國爲右軍屯白石
護軍都尉爲前軍屯臨洮奉世爲中軍屯首陽西極
上前軍到降同阪先遣校尉在前與羌爭地利又別

遣校尉救民於廣陽谷羌戎盛多皆爲所破殺兩校尉奉世上地形部衆多少之計願益三萬六千人乃

足以決事書奏天子大爲發兵六萬餘人拜太常弋

陽侯任千秋爲奮武將軍以助焉

紀云八月別奉世將五校並進

上言願得其衆不欲煩大將軍上於是以璽書勞奉

世且責之曰皇帝問將兵右將軍上書言羌虜依深

山多徑道不得不多分部遮要害須得後發營士足

以決事部分已定執不可復置大將聞之前爲將軍

兵少不足自守故發近所騎日夜詣非爲擊也今發

三輔河東弘農越騎迹射欻飛轂者羽林孤兒及呼

邀累降種

降漢者

方急遣且兵凶器也故復遣奮武將軍

何疑焉須奮武將軍到合擊羌虜十月兵里至

西十一月並進羌虜大破斬首數千餘皆走出塞

上曰羌虜被散創艾亡逃出塞其罷吏士頗留也

備要害處明年二月奉世還京師其後

功拜爵詔曰羌虜桀黠賊害吏民攻陷州郡燔燒

置亭絕道橋甚逆天道奉世前將兵征討斬捕虜首

八千餘級鹵馬牛羊以萬數賜爵關內侯裨將校尉

三十餘人皆拜

漢使護西域騎都尉蘇邛支

羣臣上書

陳湯傳

宣帝時

甘露元年

呼韓邪單于與郅支單于俱遣

子入侍。漢兩受之。後呼韓邪單于親入稱臣朝見。郅支單于怨漢不助已，乃困辱漢使者。江廼始等初元四年，又殺漢使谷吉等，自知負漢，遂西奔康居。建昭二年，西域副校尉陳湯因與都護甘延壽謀曰：「郅支侵陵烏孫，大宛常為康居畫計，欲降服之。如得此二國，北擊伊列，西取安息，南排月氏，山離烏弋，數年之間，城郭諸國危矣。」遂矯制發西域城郭諸國，共十五車師、戊巳、校尉屯田吏士，部勒行陳，益置陽威、白

虎合騎之校漢兵胡兵合四萬餘人卽日引軍分行別爲六校其三校從南道踰慈嶺經大宛其三校都護自將發温宿國從北道入赤谷過烏孫涉康居界前至郅支城都瀨水上離城三里止營傅陳望見單于城上立五采幡幟數百人被甲乘城延壽湯令軍聞鼓音皆薄城下四面圍城各有所守穿塹塞戶鹵楯爲前戟弩爲後叩射城中時康居萬餘騎分爲十餘處四面環城亦相與應和平明四面火起吏士喜大呼乘之鉦鼓聲動地康居兵引却漢兵四面推鹵楯並入土城中單于男女百餘人走入內單于被創

死軍候假丞杜勳斬單于首得漢使節二及谷吉等
所齎帛書諸鹵獲以拜得者凡斬闕氏太子名王以
下千五百一十八級生虜百四十五人降虜千餘人
於是延壽湯上疏曰天下之大義當混爲一昔有唐
虞今有疆漢呼韓邪已稱北藩唯郅支叛逆未伏其
辜大夏之西以爲疆漢不能臣也臣延壽臣湯將義
兵行天誅上賴陛下神靈陰陽並應天氣精明陷陳
克敵斬郅支首及名王以下宜挂頭藁街蠻夷邸間
以示萬里明犯疆漢者雖遠必誅元帝紀建昭三
年秋使護西域騎都尉甘延壽副校尉陳湯矯發戊

巴校尉屯田吏士及西域胡兵攻郅支單于冬斬其
首傳詣京師垂蠻夷邸門四年春正月以誅郅支單
于告祠宗廟赦天下羣臣上壽置酒以其圖書示後
宮貴人竟寧元年春正月虜韓邪單于來朝詔曰郅
支伏辜虜韓邪復修朝賀之禮願保塞傳之無窮邊
垂長無兵革之事其改元爲竟寧夏封延壽列侯湯
爵關內侯黃金百斤劉向上疏曰郅支殺使者傷
威毀重陛下赫然欲誅之意未嘗有忘延壽湯承聖
指倚神靈總百蠻之君檻城郭之兵出百死入絕域
遂陷康居屠五重城奪歛侯之旗斬郅支之首垂旌

萬里之外揚威。昆山之西埽谷。吉之耻立。昭明之功。萬夷懼伏。莫不懼震。呼韓邪單于見郅支已誅。且喜且懼。鄉風馳義。稽首來賓。雖易之折首。詩之雷霆。不能及也。谷永曰。湯義勇奮。發橫厲烏孫。隄集都賴。報十年之逋誅。雪邊吏之宿耻。秉鉞席卷。喋血萬里之外。薦功祖廟。告類上帝。景育云。爲聖漢揚鉤深。致遠之威。討絕域不羈之君。係萬里難制之虜。下詔宣著其功。改年垂歷。應是南郡獲白虎。

漢牂柯太守平西夷 武威將軍平西南

夷

西南夷傳成帝河平中夜郎王興與鈞町王禹漏卧
侯俞更舉兵相攻遣太中大夫張康持節和解興等
不從命刻木象漢吏射之陳立爲牂柯太守諭告夜
郎王興興不從命迺從吏數十人出行縣至興國且
同亭興從邑君數十人見立立數責斷頭邑君皆釋
兵降鈞町漏卧震恐入粟牛羊勞吏士興妻父翁指
與子邪務收餘兵迫脅二十二邑反立奏募諸夷斬
之立已平定西夷召詣京師

通監建武十九年西

南夷棟蠡反殺長吏詔武威將軍劉尚討之路由越
雋邛穀王任貴欲襲繫尚尚知之先據邛都掩任貴

漢書卷九十九 三十九
三百六十九
誅之二十年尚進兵與棟蠡等連戰皆破之二十一年正月追至不韋斬棟蠡帥西南諸夷悉平二十三年正月南郡蠻叛尚討破之

漢征西大將軍破赤眉

光武紀建武三年閏正月乙巳馮異與赤眉戰崤底大破之巳亥帝幸宜陽甲辰親勒六軍大陳戎馬赤眉震怖乞降丙子面縛奉高帝璽綬更始元年十月赤眉樊崇降既而亡歸二年冬西攻長安蕭王篝赤眉必破長安以鄧禹深沈有大度授以西討之略拜前將軍分兵二萬遣西入關建武元年六月赤眉

立益子九月入長安二年禹軍昆明池九月禹兵敗

赤眉延岑暴亂三輔

岑自稱武安王欲據關中

遣偏將軍馮異代

禹討之車駕送至河南敕曰元元塗炭無依今之征伐非必畧地屠城要在平定安集之耳異布威信群盜皆降又詔鄧禹還曰以飽待饑逸待勞折箠笞之

遣破姦將軍侯進等屯新安建義大將軍耿弇屯宜陽異與赤眉遇華陰相距六十餘日戰數十降將卒五千餘三年春正月甲子拜異征西大將軍禹要異共攻大敗異走回谿阪堅壁自守閏月集諸營數萬人約期會戰使壯士變服伏道側日日賊萬人攻異

大戰日吳賊氣衰伏兵卒起衣服相亂眾驚潰追擊
大破於峭底降男女八萬人餘眾尚十餘萬東走宜
陽降璽書勞異曰始雖垂翅回谿終能奮翼澠池
崔駟賦握狼弧蹈參伐

漢大司馬平山東

見獻功類

漢中郎將平隴右

紀建武十年冬十月中郎將來歙等大破隗純於落
門純與周宗降隴右平 初建武元年十二月隗囂
自稱西州上將軍三年十二月帝謂太中大夫來歙

曰云云歛曰臣嘗與囂遇長安其始起以漢爲名願奉威命開以丹青之信必束手自歸帝令歛使囂乃奉奏四年冬十月使馬援奉書洛陽十二月遣兵佐馮異有功帝報以手書五年十二月使囂擊蜀效信囂不可帝知其持兩端稍黜其禮援歛奉使往來勸令人朝許以重爵復遣歛說乃遣子恂詣闕王元不願專心內事囂然其計六年三月帝謀討之四月丙子遣耿弇等七將軍從隴道伐蜀先使歛奉璽書諭囂五月遂發兵反使王元據隴坻伐木塞道遂稱臣於述七年二月述立囂爲朔寧王秋歛以書招王遵

遵降八年春歛將二千餘人伐山開道從番須回中
 入畧陽斬守將金梁囂驚曰何神也閏四月帝自將
 征囂召馬援問之援聚米為山谷指畫形勢帝曰虜
 在吾目中矣明日進軍竇融率步騎與軍會數道上
 隴使王遵以書諭牛邯於是囂大將十三人屬縣十
 六衆十餘萬皆降囂奔新城帝勞賜歛班坐絕席在
 諸將右進幸上邽詔囂束手自詣終不降乃誅其質
 子使吳漢岑彭圍西城耿弇蓋延圍上邽十一月王
 元等將蜀救兵五千人入城迎囂歸安定北地天下
 隴西復反九年春囂卒立少子純帝使馮異擊之六

月歛監護諸將中長安太中大夫馬援副之詔於汧積穀六萬斛八月歛率異等五將軍討純於天水十年夏異斬述將田弇等共攻落門高峻降於寇恂冬十月歛與弇延等攻破落門周宗行循荀宇趙恢等將隗純降王元奔蜀

漢隴西太守破先零

通鑑建武十年冬十月先零羌與諸種寇金城隴西來歛率蓋延等進擊大破之斬首虜數千人十一年夏寇臨洮歛薦馬援爲隴西太守擊先零大破之冬十月諸種數萬人寇鈔拒浩疊隘援深入討擊大破

之徙降羌置天水隴西扶風又招撫塞外氐羌皆降
附奏復其侯王君長十二年參狼羌與諸種寇武都
援擊破之降者萬餘人隴右清靜

漢大司馬平蜀

紀建武十一年春征南大將軍岑彭率舟師伐公孫
述平巴郡十二月大司馬吳漢率舟師伐述十二年
十一月戊寅吳漢滅宮與述戰大破之述死辛巳漢
夷述宗族及延岑等十三年夏四月漢自蜀還京師
大饗將士班勞策勲 初公孫述爲導江卒正更始
元年殺宗成并其衆二年四月自立爲蜀王都成都

建武元年四月僭帝號成家二年二月延岑據漢中
四年十二月述遣李育屯陳倉馮異大破之五年二
月岑彭拔夷陵六年春帝與書曰以掌文爲瑞王莽
何足效乎三月使田戎出江關欲取荊州四月丙子
遣耿弇蓋延等七將軍從隴道伐蜀九年春述遣數
萬人下江關拔巫及夷道夷陵據荊門虎牙橫江水
十一年三月岑彭屯津鄉攻田戎等不克帝遣吳漢
率誅虜將軍劉隆等三將發荊州兵六萬餘人騎五
千匹與彭會荊門閏月彭率諸郡棹卒並進斬任滿
獲程汎田戎走江州彭率輔威將軍臧宮驍騎將軍

劉歆入江關。吳漢留夷陵。裴露撓繼進。六月來歆克
下辨。述遣人刺歆。秋彭至武陽。繞出延岑軍後。述大
驚。以杖擊地曰：「是何神也！」岑盛兵沅水。臧宮大破之。
衆降。十月述使客刺彭。十二月吳漢自夷陵將三萬
人泝江而上伐述。十二年正月破述將於魚涪津。圍
武陽。入捷爲拔廣都。遣輕騎燒成都市橋。詔諭述終不
降。七月馮駿拔江州。獲田戎。九月漢夜銜枚與劉尚
合。大破謝豐等。斬之。漢與述戰廣都。成都之間。入戰
八克。遂軍于郭中。臧宮拔緜竹。破涪城。拔繁郫。與漢
會成都。十一月臧宮圍咸陽門。戊寅述自將數萬人

攻漢漢使護軍高午唐邺將銳卒數萬擊之述兵大
亂高午奔陳刺述洄胸墮馬其夜死明日延岑降辛
巳漢盡滅公孫氏十三年三月振旅而還四月至京
師

漢遼東太守破鮮卑

祭彤傳匈奴鮮卑及赤山烏亘疆盛入塞殺畧建武
十七年拜遼東守厲兵馬廣斥侯數破走之二十
一年秋鮮卑萬餘騎寇遼東彤率數千人迎擊虜大
奔窮追斬三千餘級獲馬數千震怖不復闕塞二十
五年大都護偏何奉獻初赤山烏亘數犯上谷彤遣

傳首京師復將樓船大小二千艘戰士二萬餘人擊

餘黨九真賊都羊等斬獲五千餘人嶠南悉平

徙其渠帥

三百餘口於零陵

廣州記曰援到交趾立銅柱

駱越奉行馬將軍故事

下潦上霧仰視飛鸞跼跼

中墮水二十年秋振旅還京師

漢將兵長史破安定屬國胡

紀建武二十一年四月安定屬國胡叛屯聚青山

今慶

州烏嶺西北遣將兵長史陳訢討平之

漢奉車都尉破呼衍王破白山虜定

車師

紀永平十六年春二月遣太僕祭彤出高闕奉車都

尉竇固出酒泉駙馬都尉耿秉出居延騎都尉來苗
出平城伐北匈奴竇固破呼衍王於天山留兵屯伊
吾盧城十七年冬十一月遣奉車都尉竇固駙馬都
尉耿秉騎都尉劉張出燉煌昆侖塞擊破白山虜於
蒲類海上遂入車都

西河舊事曰白山冬夏有雪
故曰白山匈奴謂之天山

竇固傳顯宗欲遵武帝故事擊匈奴通西域以固明
習邊事十六年固與騎都尉耿忠率酒泉燉煌張掖
甲卒及盧水羌胡萬二千騎出酒泉塞耿秉秦彭率
武威隴西天水募士及羌胡萬騎出居延塞又太僕
祭彤度遼將軍吳棠將河東北地西河羌胡及南單

于兵萬一千騎出高闕塞騎都尉來苗護烏巨校尉
文穆將太原鴈門代郡上谷漁陽右北平定襄郡兵
及烏巨鮮卑萬一千騎出平城塞固忠至天山擊呼
衍王斬首千餘級呼衍王走追至蒲類海留吏士屯
伊吾盧城耿秉秦彭絕漠六百餘里至三木樓山明
年復出玉門擊西域遂破白山降車師 秉張皆屬
固合兵萬四千騎破白山進擊車師秉以爲先赴後
王并力根本則前王自服乃引兵北入衆軍並進斬
首數千後王安得震怖降前王亦歸命遂定車師而
還十八年二月罷兵

漢西域長史斬疏勒王

章紀元和三年是歲西域長史班超擊斬疏勒王

通鑑

在九月

班超傳時龜茲王建爲匈奴所立倚恃虜威

據有北道攻破疏勒殺其王而立龜茲人兜題爲疏

勒王明年春

永平七年

超從間道至疏勒去兜題所居

槃橐城九十里逆遣吏田慮先往降之兜題無降意

慮因其無備遂前劫縛兜題馳報超超卽赴之召疏

勒將吏說以龜茲無道之狀因立其故王兄子忠爲

王國人大悅疏勒由是與龜茲結怨建初八年十二月

拜超爲將兵長史假鼓吹幢麾以徐幹爲軍司馬明

年

元和元年十二月

復遣假司馬和恭等四人將兵八百餘

超超因發疏勒于寘兵擊莎車莎車陰通使疏勒王忠忠遂反從之西保烏卽城超更立其府丞成大爲疏勒王積半歲康居遣兵救之超不能下超使使齎錦帛遺月氏王令曉示康居王康居王乃罷兵執忠以歸烏卽城遂降後三年忠忠詐降於超超勒兵待之爲供帳設樂酒行叱吏縛忠斬之因擊破其衆南道遂通

漢西域長史擊破莎車

章紀章和元年是歲西域長史班超擊莎車大破之

班超傳是年超發于寘諸國兵二萬五千人復擊莎車而龜茲王遣左將軍發溫宿姑墨尉頭合五萬人救之超召將校及于寘王議曰今兵少不敵其勢莫若各散去龜茲王聞之大喜自以萬騎於西界遮超溫宿王將八千騎於東界徼超密召諸部勒兵鷄鳴馳赴莎車營胡大驚亂追斬五千餘級大獲其馬蓄財物莎車遂降龜茲等因各退散威震西域

漢車騎將軍破北單于

見紀功燕然山 詔曰役不再籍萬里清蕩

漢大將軍破北單于金微山

紀元永元三年二月，大將軍竇憲遣左校尉耿种

居延塞圍北單于於金微山大破之，獲其母闕氏。

竇憲傳：元年，憲遣軍司馬吳汜、梁諷奉金帛遺北單

于，說令修呼韓故事。遣弟奉貢入侍，憲以單于不自

到，奏還之。二年五月，遣副校尉閼鞮掩擊北虜之牛

伊吾者，復取其地。九月，北單于遣車儲王等款居延

塞，欲入朝。見十月，憲遣中護軍班固行中，即將與司

馬梁諷迎之。會南單于襲圍之，北單于被創走，固至

私渠海而還。憲以北虜微弱，欲遂滅之。明年二月，復

遣夔及司馬任尚等將兵擊於金微山大破之，獲五

嘉靖丁巳年

千餘級出塞五千餘

漢西域都

里而還自漢出師所未嘗至

和紀永元六年班超

獲破焉耆尉犁

域降服納質者五十

餘國班超傳建初三年五月

超上疏欲伐龜茲焉

耆平定西域薦勲祖廟奉萬年

之觴布大喜於天下

書奏帝知其功可成永元三年

十月龜茲姑墨温宿

皆降十二月以超為都護徐幹

為長史西域唯焉耆

危湏尉犁以前殺都護懷二

其餘悉定

永平末焉耆
沒都護陳

老自與龜茲共攻
睦副校尉郭均六年秋七月

之發龜茲郭善等八

國兵合十萬人及吏七賈客等

四百人討焉耆兵到尉犁而遣說焉耆尉犁危須三國曰都護來欲鎮撫三國耳焉耆王廣與夫人迎超於尉犁奉獻珍物焉耆國有葦橋之險廣乃絕橋不欲令漢軍入國超更從他道厲度七月晦到焉耆去城二十里止營大澤中廣出不意於是焉耆王廣尉犁王汎及北鞬支等三十人相率詣超其國相腹久等懼誅皆亡入海而危須王亦不至坐定超怒詰廣曰危須王何故不到腹久等何緣逃亡遂叱吏士收廣汎等於陳睦故城斬之傳首京師縱兵抄掠斬首五千餘級獲生口萬五千人馬蓄牛羊三十餘萬頭

立左侯元孟爲焉耆王且留半歲鎮撫之於是西
域五十餘國皆納質內屬海濱四萬里外皆重譯貢
獻賚曰坦步葱雪咫尺龍沙 西域傳斬焉耆尉犁
二王首傳送京師垂蠻夷邸

漢度遼將軍破南匈奴

通監安帝末初三年六月漢人韓琮說南單于反九
月圍中郎將耿种於美稷十一月以何熙行車騎將
軍事中郎將龐雄爲副將五營及邊郡兵遼東守耿
夔率鮮卑及諸郡兵共擊之以梁懂行度遼將軍事
雄夔擊與韃日逐王破之四年正月懂夔斬其別將

于屬國故城單于自將迎戰。懂等復破之。單于還虎澤。二月，寇常山。三月，雄謹种將步騎萬六千人攻虎澤。單于大怖，遣使乞降。

見耿夔梁謹傳

順帝建康元年四月

使匈奴中郎將馬寔擊南匈奴左部，破之。

見本紀

威帝

永壽元年秋，南匈奴左奠鞬臺耆且渠伯德等反，寇

美稷。東羌舉種應之。安定屬國都尉張奐勒壁中二

百人進屯長城，遣將誘東羌，因據龜茲縣，使南匈奴

不得交通。東羌諸豪與奐共擊奠鞬等，破之。伯德降

延熹元年十二月，南匈奴諸郡叛，寇緣邊九郡。拜奐

北中郎將，討匈奴烏亘等。匈奴燒度遼將軍門，奐安

坐講誦潛誘烏旦使斬匈奴屠各渠帥襲破其衆諸

胡悉降

見張奐南匈奴傳

漢西域長史斬車師後王 平車師六國

安紀延光四年七月西域長史班勇擊車師後王斬
之 班勇傳四年秋勇發燉煌張掖酒泉六千騎及

鄯善疏勒車師前部兵擊後部三軍就大破之捕得
軍就及匈奴持節使者斬之傳首京師永建元年十
月更立後部故王子加特奴爲王勇又使別校誅斬
東且彌王亦更立其種人爲王於是車師六國悉平
先是元初六年燉煌太守曹宗遣長史索班將千

餘人屯伊吾車師前王及鄯善王皆來降後數年

永寧

元年三月北單于與車師後部共攻沒班進擊走前王畧

有北道鄯善王求救於曹宗宗請出兵五千人擊匈奴報索班之耻因復取西域鄧太后召勇詣朝堂會

議勇上議復燉煌營兵三百人復西域副校尉居燉

煌如永元故事

先是永初元年六月壬戌罷都護

遣長史將五百人

屯樓蘭西當焉耆龜茲徑路南疆鄯善于闐心膽北
扞匈奴東近敦煌於是從勇議延光二年夏復以勇
爲西域長史將兵五百人出屯柳中三年正月至樓
蘭以鄯善歸附特加三綬而龜茲王白英猶自疑勇

開以恩信乃率姑墨温宿自縛請勇因發步騎萬餘人到車師前王庭擊走匈奴伊蠡王於伊和谷收前部五千餘人云云見上文遂發諸國兵擊走匈奴呼衍王北單于自將萬餘騎且金且谷勇使假司馬曹俊追斬骨都侯於是車師無復虜跡

漢護羌校尉平西羌東羌

段紀明傳威帝延熹二年遷護羌校尉十二月燒當燒何當煎等八種羌寇隴西金城塞紀明出湟谷擊破之追斬二千級三年閏正月餘羌復寇張掖大戰虜退追之晝夜相攻四十餘日至積石山出塞二千

餘里斬燒何大帥降其餘衆十一月勒姐零吾圍允
街又破之六年十二月羌益熾復以紀明爲校尉七
年將萬餘人破當煎八年正月破罕姐五月擊勒姐
進擊當煎於湟中潛師夜出大破之斬二萬三千級
獲數萬人降萬餘落西羌弭定封都郎侯東羌先零等自
覆沒馬賢後數寇三輔旣降又叛紀明上言曰所餘
三萬餘落近居塞內不誅滋大若以騎五千步萬人
車三千兩三冬三夏足以破定許之末康元年正月
紀明擊破之靈帝建寧元年二月將兵萬餘人從彭
陽直指高平與先零諸種戰令軍中長鋌利刃長矛

三重挾以強弩列輕騎爲左右翼擊虜大潰斬首八千餘級拜破羌將軍六月將輕兵追羌出橋門又戰靈武谷羌大敗餘寇四千落散入漢陽山谷張奐言宜以恩降紀明言昔先零作寇趙充國徙令居內當煎亂邊馬援遷之三輔始服終叛至今爲鯁臣奉大漢之威建長久之策欲絕其本根二年七月羌東犇射虎谷紀明規一舉滅之乃結木爲柵遮之分遣田晏夏育等將七千人銜枚夜上西山結營穿塹張愷將三千人上東山縱兵奮擊破之斬渠帥以下萬九千級馮禪等招降四千人分置定安漢陽隴西東羌

悉平凡百八十戰斬三萬八千餘級

更封新豐侯

先是

永寧元年六月護羌校尉馬賢將萬人討沈氏羌於張掖破之斬千八百級獲千餘人陽嘉三年七月鍾羌良封等寇隴西漢陽十月校尉馬續破之延熹四年冬皇甫規爲中郎將持節監關西兵討零吾等十一月規擊羌破之斬八百級先零諸種降者十餘萬漢丞相益州牧諸葛亮平南中四郡

諸葛亮傳建興元年南中諸郡叛三年春亮率衆南征至南中所在戰捷生致孟獲縱使更戰七縱七擒獲曰公天威也南人不復反矣遂至滇池其秋南中

平 蜀志後主三年三月亮南征四郡四郡皆平七月由越雋入斬雍闓

漢右將軍行丞相事平武都陰平二郡

諸葛亮傳建興七年亮遣陳戒攻武都陰平魏雍州刺史郭淮率衆欲擊戒亮自出至建威淮退還遂平二郡詔策曰前年燿師馘斬王雙今歲爰征郭淮遁走降集氏羌興復二郡

七年春克定二郡

魏太尉平海東諸郡

魏志景初元年七月璽書召公孫淵淵發兵反幽州刺史毋丘儉進軍討之會遼水漲引軍還二年正月

詔太尉司馬宣王帥衆討遼東八月丙寅圍淵於塞
平大破之傳首京都海東諸郡平

魏征西將軍平巴蜀

魏志景元四年五月詔鄧艾帥諸軍趣甘松沓中雍
州刺史諸葛緒督諸軍趣武都鎮西將軍鍾會由駱
谷伐蜀十一月劉禪降巴蜀皆平

吳前部都督周瑜破曹操

通鑑吳志周
瑜傳漢建安十三年冬曹操既降劉琮於南

郡自江陵將順江東下遺孫權書曰近者奉辭伐罪
劉琮束手今治水軍八十萬衆方與將軍會獵於吳

羣下莫不響震失色。張昭等咸勸迎之。獨魯肅特異。

因請召周瑜與計事。瑜謂操捨鞍馬杖舟楫與吳越

爭衡。又今盛寒。馬無藁草。驅中國士衆遠涉江湖。不

宜水土。必生疾病。此數者用兵之患。而操皆冒行之。

必成擒矣。請以精兵數萬人破之於夏口。且云操書

稱水步八十萬人。以實校之。彼將中國人。不過十五

六萬。且已久疲。所得表衆亦極七八萬耳。尚懷狐疑。

夫以疲病之卒。狐疑之衆。數雖多甚。未足畏。願將軍

勿慮權。乃命周瑜程普爲左右督將兵。與劉備并力。

逆操。以魯肅爲贊軍校尉。助畫方略。備在鄂縣之樊。

口見瑜等甚喜進與操遇於赤壁操兵一戰不利卽引次江北瑜等在南岸部將黃蓋曰今寇衆我寡雖與持久操軍方連船艦首尾相接可燒而走也乃取蒙衝鬪艦十艘載燥荻枯柴灌油其中裹以帷幕上建旌旗預備走舸於其尾先以書遺操詐云欲降時東風急蓋以十艦最著前中江舉帆餘船以次俱進操軍吏士皆出營立觀指言蓋降去北軍二里餘同時發火火烈風猛船往如箭燒盡北船延及岸上營落項之煙炎張天人馬燒溺死者甚衆瑜等率輕騎繼其後雷鼓大進北軍大壞操引軍從華容道走尋

又破曹仁兵於夷陵將士形勢百倍其後以瑜領南郡屯江陵

吳撫越將軍領丹陽太守平山越

諸葛恪傳丹陽山險民多果勁升山赴險抵突叢棘若魚之走淵後狄之騰木戰則蠶至敗則鳥竄自前世以來不能羈恪移書四部明立部伍分諸將羅兵幽阻侯稼熟芟刈使無遺種山民饑窮漸出降老幼相携而出恪自領萬人餘分給諸將權勞其功遣薛綜勞軍曰山越恃阻不賓歷世緩則首鼠急則狼顧神策內授武師外震兵不染鍔甲不沾汗蕩滌山藪

野無遺寇藜蓀稂莠化爲善草魑魅魍魎更成虎士
雖詩美執訊易嘉折首周之方召漢之衛霍豈足以
談

玉海卷第一百八十九